



Nyangnsab Timirti

Astamaari Maxsaafi



Itopya Fedralawi Demokirasiyawi Rifublik
Timirti Ministri



Dəbub Zaara Zaaraska S'odas Kiriri
Timirti Biro



Nyangnsab Timirti

Astamaari Maxsaafi

Fikusabka Zhashabka yaabus

Baabm Hawaz H/Yesus
Baabm Matabe Aləmayew
Í boy Maklech Gidəy
Baabm Ali Amənti
Baabm Dangachew Mələsə
Í boy Nəxsanət Ayen
Baabm Mulugeta Gabisa
Í boy Yodit Məkətə
Baabm Məsfin Təfəra
Baabm Dəbəre Abdisa
Baabm Abəra Məhari

Wus'kab yaabus

Dəmise Shəwa
Azənə Mikiri

S'okuka Bangars səgab yaabus

Baxho Say
Mitiku Tadəsə



Itopya Fedralawi Demokirasiyawi Rifublik
Timirti Ministri



Dəbub Zaara Zaaraska S'odas Kiriri
Timirti Biro

Naas'i

Maxsaafms haas bazhakn ishi xuusika ishi ekika náng gatsnab Aləm banki, Yuni sef, Seb zə childrən, Rayt tu pləy, Edibi, Kotəbe metropolitan yunibərsitika Benishangul gumuz kiriri timirti biru ishi təkə. Naas'ns haasqa ishi sum vyardara kiyb angabaab dirjitika yaabka timirti bazhnsh haas gama footu sexn yeshnta angabaab gaatsa atsishkə. Yis yeshnta timirti ministərns qera anga há ishikn naas'i atsukiykə.

© Itopya Fedralawi Dimokrasiyawi Rifubiliki

Timirti Ministəri

Askn 1^{ta} baab fikustab 2010MB



Itopya Fedralawi Dimokrasiyawi Rifubiliki

Timirti Ministəri

ISBN: 978-99944-2-867-0

Yafa Kookn

Vyardu	vii
1^{ta}baab Etsn Timirti	1
Gaba 1	1
Gaba 2	4
Gaba 3	7
Gaba 4	10
2^{ta}babaab Etsn Timirti	13
Gaba 5	13
Gaba 6	16
Gaba 7	18
Gaba 8	21
3^{ta}baab Etsn Timirti	24
Gaba 9	24
Gaba 10	27
Gaba 11	30
Gaba 12	33
4^{ta}baab Etsn Timirti	36
Gaba 13	36
Gaba 14	39
Gaba 15	42
Gaba 16	45
5^{ta}baab Etsn Timirti	48
Gaba 17	48
Gaba 18	51
Gaba 19	54
Gaba 20	57

6 ^{ta} baab Etsn Timirti	60
Gaba 21	60
Gaba 22	63
Gaba 23	66
Gaba 24	69
7 ^{ta} baab Etsn Timirti	72
Gaba 25	72
Gaba 26	75
Gaba 27	78
Gaba 28	81
8 ^{ta} baab etsn timirti	84
Gaba 29	84
Gaba 30	87
Gaba 31	90
Gaba 32	93
Qoysnsab Xuusis Asqa Yaftukab Maxsaafis (ወጪ መጽሕፍት)	96
Qarnsab Noogus	97
Aska atusnkiyb 1: Nyangnsab Timirtiskn Basuskiyb ask tamarsa yirsis	99

Nyangnsab Timirti Astamaari Maxsaafi

Vyardu

Maxsaafms haas há fikustab ishi bengi 6 bengi kiyb daduskn há footukabta há basusab kadutamuka xaagnkn gaba astukab gatsu ishi xuusnbaab footab noogu ishi nognkabkn xsaafakn gatsu fyaadi ishi fyadukabkn gatsu ishikn kambiqabaab noogus ishi vyazu aru xuusn yeshnta tækə. Maxsaafms haasqa atamaaris yira ishi tamarsanta fikustab há footukabta dadus vyaznbaab gonchi ante ishi tamarsnbaab há basuskiykə.

Asta há tamarstukab kookn

Timirtns haas tubsu atusnkiyb noogus aatukiyb há footukabta kifirikn butabaab kaasu geb samm yakubaab ishikn 30 deqiqi há astukə.

Tubsu noogu aatukiyb timirtis gexab ishi

1. Daan nogn
2. Saaya saati
3. Shaara saati
4. Kifirikn butabaab kaasu
5. Bazhu sesa saati
6. siviri bazha xuusi vyaza saati
7. Kifiriqabaab kaasu yis ishi tækə.

Astamaaris ishi vyazab gonchi qoybaab qoybaabka daan kyamukiyb footab atuste ishi tamarsnbaab há basuskiyke.

Astamaari maxsaafiqa gatsu daan nogn saati qena há footnta astamaari dadusara shaara sharuste, saaya sayte, há gadu tamarsnbaab há vyazamə.

Astamaariyo dadus timirtnsara dacha ge haysu siisnbaab saati shiqu há footab yeshnta dadus dacha ge haysu siiskiyb footab íti xuusn yeshnta haaskn qaanqa astab noogus íti aru xuusnbaab há basuskiyke.

1. Astamaari maxsaafiqa asta há tamarstukab gonchi há bata nognxukab kardi, saaya, shaara, bazhu sesa, kifiriqabaab kaasu, kifirikn butabaab kaasu, bazha xuusi, geb timirtiska shiifute kaysta kadu timirti zaaras Hisaabi, s'oku noogu, saayns timirtis íti tamarsnbaab há basuskiyke.

2. Ha qoy qoy timirtqa kiyb xuusika vyazaka yis ishi asta; noogu xuusakn saanta, xsaafakn saanta fyaadi xuusakn saanta kambika askn booqa ha aatukiybka ishi xuusnbaab há basuskiykə.
3. Ishikn faad bata gaydu kiyb dadu asta tamarnbaab kookn, aska tamarsa yirsiska fatana kookns daduskn footnbaab footab, ishi tamaram baaskiybka ishira xusnsa anga basuskiyb təkə. Amsu gonchi n̄ segnta askn aab yaafara kiyb dadu kifiriqa kiynta asta ishi tamarnbaab fikustab kooknka tamarsa há basuskiyke. Kaasyata ishikn haay siisara kiyb dadu kiynta asta ishi tamarkiyb gonchi mirkitika n̄ tamarsnbaab há basuskiykə.
4. Dadus tamarkiybka ishikn kambiqabaab ishi xuusnbaab, qoy noogu ishi kurknxa kaay bazhnbaab, ishi xuusi ishi angusnbaab, kaas kiyte ishi tamarnta təkə. Yis há footab yeshnta dadus ishi tamarkiyb timirti kaasuka daana há footnbaab há basuskiykə.
5. Siviriska qoysnsab noogusara kifiriqa asta há sexukiyb kooknta n̄ nyagu tamarsnbaab há basuskiyke. Yis qena dadus ishi tamarkiyb timirtisara seekiy tamarn yeshntaka dadus dacha xuusabara astamaari xuusn yeshnta há gatsnamə.
6. Haaskn qaanqa há qoy qoy timirtis yeshnta matkab noogu astákə. Shiifutə há qoy qoy timirtikn asta tamarstnbaab kookn qena astákə.



Daan Nogn Saati

Daan nogn saati gexab tamarsakn gatsu 30 dəqiqi saknbaab gaba qoykn booqa ishi tamarnbaab timirtis bata nognxnbaab saati təkə. Yis saatiga tamaaris ishi tamarnbaab timirtis yira təntaka ishi fiku tamarn yeshnta anga há ishikn gatsnamə.

Daan nogn yeshnta:

1. “Há bata nognxnbaab kardi” etsn qoy timirtikn fikab siviri.
2. Dadus maxsaafiqa fikustab siviri.
3. Qoysnsab sivirisaraqera ishi gatsnxnbaab há basuskiykə.

Timirtnsqa

“Daan nogn saati” geb asta kiybta íti saknta “há bata nognxnbaab kardi” seesutə ishi data kotukiyb xuusis yaabkn faaduska iyqabaab yaabuska qoy noogukn kixn qoy noogukn marki ishi xuusn yeshnta basuskiyb qoy qoy ooxha ishikn ooxhitə.



Saaya Saati

Saaya saati gexab daduskn saayaka asta matkukab saati təkə. saayns gaba qoy timirtns yira há tamarsanta ishikn kookn sesukab há footukabta haysu siisaka bangars maakaka ooxhaka saaynsqa maatkab yaabuska yirsiska ishi bes'ku xuusn yeshnta há gatsnamə. Saayns íti ishikn saykabkn gatsu saaynsqa kiyb qarnsab noogus ishi xuuskiyb há footabara íti xuusnyeshnta ooxha ishikn ooxhitə. Yiskn adiqa saynsara dacha ge ishikn há siistnbaab gonchi sayitə. Saynsara íti saykbkn gatsu dacha íti ge nabab xuusnbaab há basuskiykə. Sayns íti say xhorshabkn adiqa saynsqa keesab ooxha ishikn ooxhitə. Askn xhorxnta astab zeeru noogusara ishikn maakiytə.



Shaara Saati

“Shaara saati gexab” maxsaafms haasqa astab shaara ay, ay yirsiska há asta ayxukab, timirtnsara dadus asta tamarakab saati təkə. Gatsu shiqu footab shaara fikus sharu sisa. Yiskn adiqa shadns footab shaarasara bangars shiifu shiifu sharu sisa, yiskn adiqa dadus ítika daan sharn yeshnta ishira karbusitə. Dadus dacha xuus sharabkn adiqa sharnsara tefiqə antə ishika daan sharitə. Ishika íti daan sharabkn adiqa sharnsqa ishi sissab qarnsab noogus gatsu ishi tamarab timirtnska aas há kyamukiynta ishikn ooxhu ishika daan nognitə. Astamaariyo maxsaafms haasqaka shaara maxsaafmsqa fikustu genxab shaara xsaftab sharnskn daaduta SD mirikixi kyaakaə. Fikustu genxara kiybkn daaduta kaay há kiykə. Yis yeshnta asta há sharxnbab fikustara kiybara íti gəri fikus sharutə íti gen ishi sharə.



Bazhu Sesa Saati

Timirtns haasqa astamaarns gaba qoy timirtikn fikustab bazhakn shiifutə qoysns bazha ishi zerknqa qoy qoy maxsaafmsqa se bazhə geytə.

Maxsaafmsqa astab gonchi ishi tamaaris se bazhə geytə. Matkabara vyazu bazhara kiyb daduskn gatsnitə. Bazhns yis ishi tamarabara ishi aru xuusn yeshnta, noogu aabus, noogus, ishi vyazu xsaafm yeshntaka siviris ishi vyazu bazhn yeshnta anga há ishikn gatsnamə.



Kifiriqabaab Kaasu

Kifiriqabaab kaasu dadus ishi tamarab timirtisara bangars aru xuusn yeshnta gatsnkiyb təkə. Angata kaasusara daantə dubdnka ishi kaaskiyb há footab yeshnta dubdnka daan tamaraka bazhaka ishi vyazamə. Gatsu tamaaris keta kaasns asta kastukiyb kooknsara xuusbara səgitə. Yiskn adiqə dacha ge vyazu kaasara kiyb yira há footanta ishikn fikus maakitə. Ishi kaas kiybta tiitu seetə ishikn gatsnitə.



Kifirikn Butabaab Kaasu

Dadus timirtisara keta kaasuka ishi tamarnta zhazhnsh há footab há xustukiykə. Ishi kaasnbaab kaasu kifiriqa ishi tamarab do ishi xuusn yeshnta teera kiytə ishikn faad ishi woshkns vyazn yeshnta qena há gatsnamə.

Dadus asta kaasnbaab kookns fiku kiyb footab dacha ge segitə. Yiskn adiqə dadus keta kaasnsara ishi kaasə geytə. Ishikn beetnta askn faad bata gaydu kiyb dadu kiyntə asta ishi kaasnbaab ishikn sesitə.



Siviri Bazha Xuusi Vyaza Saati

Bazha xuusi vyaza dadus há qoy qoyka kiyb siviris ishi quxsu nyagnbaab, siviris ishi bazhnbab, togaka ishi siviri bazhnbab, worqata ishi quxsu siviri bazhu vyaznbaab saati təkə.

Fatanaka ishi vyazabara tiitu səga.

Fatana gexab dadus ishi tamarab timirtira aas ishi xuusntaka aska titu sexukab kookn təkə. Astamaaris ishi səgabkn adiqə dadus aas ishi gatsnxanta ishi gatsnbaab ishi vyazamə.

Kifirins haasqa tamarkiyb dadus ishi fatnxnbaab xsaafaka teera kiyta kaasuka shaaraka daan nognka təkə.

Dauds haasqa tamarkiyb ishi fatanxnbaab qoy kifiriqa kiytə kaari qoysns kifiriqa ishi sakn yeshnta teerə.

Astamaaris dadus xuusn yeshnta aankiybkn shiifutə baaba nonka qena ishi dadusara ishi tiitu səgnbaab há basuskiykə.

Tamarsa yirsis :-

Tamarsa yirsis timirtns dadus booqa vyardnyeshnta aska gatsnxu tamarstukiyb yiris təkə. Dadusara tamarsa yirsiska tamarsa anga ishi xuusn yeshnta anga há gatsnkiykə. Há footab yeshanta astamaari timirtnska daan kyamukiyb ishi fikus daadusara tamarsnbaab há basuskiykə.

Astamaari maxsaafiqa keta gaba timirtisqa aska tamrtnbaab yirsis fikustab há footab yeshnta astamaari fiku nababtə ishi fikus tamarsnbaab há basus kiykə. Yis ishikn footnbaab footo, siviri, anga fikustab kiyb há footab yeshnta astamaaris ishi fiku nabab tamarsnbaab há basuskiykə.

Nyangnsab dadus timirti asta tamarstnbaab, asqa kotukiyb, há aatukiyb timirtis

Nyangnsab dadus timirti há bastab dadus yaku bastukiyb timirti zaaras ishi tamarnbaab footab haaskn qaanqa astishikə. Yakubaab ishi há qoy qoy ishi tamarnbaab teera kiyta qoy kooknta daan fikustab há footab yeshnta astamaari fikutə há tamrsnbaab há basuskiykə.

1. Yaabkn faadka yaabkn xusnskab faadus angusa (140 feredi)

Kotukiyb vyaza

- Yaabkn faadus keta atsu kiyb gaatsaka ishi bazhaka ishi xuusamə.
- Woshknka ishi ishikn faad vyatabara qozhnshamə.
- Woshknka ishi ishikn faad yaysabara qozhnshamə.
- Faad zhaazha kiyn yeshnta ishi bazhaamə.

2. Noogu angusaka há gaatsaka (150 feredi)

Kotukiyb vyaza:-

- Dacha ge haysu siisa, xuusa, bangarsi atsa ishi xuusamə.
- Qoysns yaabuska ishi daan noggn vyazamə.
- Xsaafakn gatsu ishi fiku xsaaful vyazamə.
- Xsaafu ishi vyazamə.

3. Hisaabi noogus ishi xuusamə. (150 feredi)

Kotukiyb vyaza:-

- Fyaadis ishi bes'ku fyadu xuusamə.
- Nooguskn kyama ishi xuusamə.

- Aska makuxukab yirsis ishi xuusamə.
- Qoy kookn kixn ishi xuusamə.
- Zerkn yira footnta ishi xuusamə.

4. Daan kiyaka ishi qoy kiya angusa (120 feredi).

Kotukiyb vyaza:-

- Ishikn sistab maakaka ishi gəri ishikn ishi gatsnamə.
- Daan kiya xuusi ishi angusamə.
- Ishi gərika ishi kambi zhaazha ishi kootamə.
- Qoysnsab yaabuskn gatsnka kuuzh taabu kookns ishi xuusamə.

5. Kambi xuusa (130 feredi).

Kotukiyb vyaza:-

- Ishikn daanta kiyb kambi ishi xuusamə.
- Kambiqaq kiyb noogus ishi xuusamə.
- Kambi koota ishi xuusamə.
- Kambiqaq kaari kiyb yaab bata taka saskukiyb noogus ishi xuusamə.
- Naaru kixn ishi xuusamə.

6. Kuc'u bazhaka yaabara naas'a ishi xuusamə. (110 feredi).

Kotukiyb vyaza:-

- Sivirika bazhxab noogus ishi xuusamə.
- Siviri bazhaka booxaka ishi xuusamə.
- Ishikn kambiqaq kiyb nooguska ishi siviri bazhu vyazamə.
- Shaara ishi sharu vyazamə.

Astamaari maxsaafi gaba qoyqa fikustab timirti 25 há footab yeshnta há fikustab gonchi ishi tiitu tamrsnbaab há basuskiykə. Yis ishi asta yaabkn faadka yb noogus geb 4 feredi, noogu angusaka há gaatsaka geb 5 feredi, daan kiyaka náng sistukiyb noogus geb 4 feredi, kambiqabaab noogus xuusi geb 4 feredi, daabuka kuc'u bazhaka geb 3 feredi há astukə.

1^{ta}baab Etsn Timirti



Gaba 1

Gaba Haas Timirtnsqa Kotukiyb Vyaza

Dadus timirtns haas ishi tamarabkn adiqa:-

- Yaabkn faad sum ishi xuusamə. (4 feredi)
- Ishikn kambiqa kaari ganxsu /s'uun/ ishi xuusamə. (5 feredi)
- 1-9 sakab fyaadis ishi es'kamə. (5 feredi)
- Ishikn sistab noogus (kaazha, yanqa, kasha, s'ora) ishi maakamə. (4 feredi)
- Asta ishi kiyb kambika qoysnsab kambika ishi keknsamə. (4 feredi)
- Siviri bazhakn gatsnkab yirsis ishi xuusamə. (3 feredi)

Tamarsa kookns:

Daan nogn, saaya saya, maaka, bazhu sesa, ooxhaka bangarsaka, shaara, kaasu

Aska tamarsa yirsis -

Há bata nognxnbaab kardi, saaya, kaasu, shaara maxsaafi, yaabkn faad sesukiyb siviri, 1-9 sakab fyaadis, ay yiris, irsaasi, s'uuta há bata s'utuxukab, makini gooma, qamxhu,



Daan Nogn Saati

Há bata nognxnbaab kardi – etsn qoy

Há bata nognxnbaab ooxhaas

1. Sivirnsqa yirka yirka íti seekiy?
2. Íti seekiyb siviriqa yira akarns s'uun/ganxsu/ íti siisas há ítikn akarkiy? Ítikn kambiqa angata íti siiskiyb yirkn s'uun tə?
3. Sivirnsqa gebm inchuka gebm iyka há sexukiy?
4. Sivirnsqa íti seekiyb yaabkn faad kumka absi kiyb yirka yirka tə? Askn faad kumkn qada kiybara qay seesnbaab íti tə?
5. Sivirnsqa íti seekiyb kambika íti kambika íti keknsnta yira hakarkiy? Ítikn kambiqa yirka yirka tə kiy?
6. Sivirnsqa kazhukiyb, aynkiyb, s'orukiyb, sesukiyb siviri naastə? Íti woskiyn woskiyn há ítira kazhnsh kiy?
7. Íti seekiyb noogus siviri íti bazhn genta yira yirsi tə basusa?



Saaya Saati

- Saaya masxaafiq a fyaadi qoy bata "Qubsi" geb saaya ishikn saytə asqa keesab ooxha ishikn ooxhitə. Askn xhorxnta astab zeeru ishara zeeritə.



Kifirikn Butabaab Kaasu

- Kifirikn butabaab kaasu gexab kaasu fyaadi 1”aabtabaab faad sum” geb kaasu ishara kasustə yaabkn faadusara ishi xuusn yeshnta anitə.
- Kifirikn butabaab kaasu gebqa kaasu fyaadi 2 “Ekis kaasu” geb kaasu ishira kasustə kambiqa kaarikiyb ekiskn s’uun ishi xuusə geytə. Yiskn adiqə ooxha ishira ooxhitə.
- “Ishi utab kaasu” dadus ishi utab kaasu beertə ishi qoy ishi oynta duba daantə ishi kaasə geytə.



Bazhu Sesa Saati

- **Bazhxnbaab 1** - bazhu sesa saati maxsaafiqa bazhxnbaab 1 bata ñ gəri xusnsa gebqa “Qubsi” yi gəri ishara xusnsab gonchi ishi dadus qoy qay ishi gəri ishira xusnsə geytə.
- **Bazhxnbaab 2** - bazhu sesa saati maxsaafiqa bazhxnbaab 2 bata fyaadis 1-9 sakab ishi dadus gərika qay fyadə geytə.
- **Bazhxnbaab 3** - bazhu sesa saati maxsaafiqa bazhxnbaab 3 bata 1-9 sakab fyaadisara ishikn keri, korki, fyadutə ishi sesə geytə.
- **Bazhxnbaab 4** - bazhu sesa maxsaafiqa bazhxnbaab 4 bata kardira fyadutə ishi 1-9 sakab fyaadisara gərika fyadə geytə.



Siviri Bazha Xuusi Vyaza Saati

- Siviri aska bazhxukiyb yirsis amsu:- irsaasi, irsaasi tyaaquqab, diirkab, masamari, worqata, yis ishira saskutə íti dadus xuusə geytə.



Kifiriqabaab Kaasu

- Kifiriqabaab kaasu maxsaafiqa kaasu fyaadi 1 bata “yirtə ítikn sistu?” geb kaasu ishi kaasə getə yaabkn sistukiyb noogus ishi yaabus gonchi footu seesə geytə. (amsu:- kaazha, ayn, s’ora)
- Kifiriqabaab kaasu maxsaafiqa kaasu fyaadi 2 bata “fyadi kaasu” geb ishi kaas fyaadisara edka es’ku xuusə geytə.



Shaara Saati

- Shaara maxsaafiq shaara fyaadi 1 bata “ní inə timirti iyta” geb shara ishi sharu ishi timirti iyra utn yeshnta anitə.
- Shaara maxsaafiq shaara fyaadi 2 bata “yaabkn faad” geb shaara ishi sharu yaabkn faadus sumara xuusn yeshnta anitə.
- Shaara maxsaafiq shaara fyaadi 3 bata 1-9 sakab fyaadis gərika es’kutə ishi “kafa koytnbey ” geb shaara sharə geytə.
- Shaara maxsaafiq shaara fyaadi 4 bata “uutn shaara” geb shaarara sharutə ishikn kambiq qiyb ekiskn s’uunara ishi xuusə geytə.

Gaba 2

Gaba Haas Timirtnsqa Kotukiyb Vyaza

Dadus timirtns haas ishi tamarabkn adiqa:-

- Yaabkn faadus sumara ishi xuusamə. (4 feredi)
- Ishikn kambiq qiyb ganxsus/s’uun/ ishi xuusamə.(2 feredi)
- Ekis yaab data yegn yeshntaka yaab data ishi gotn yeshnta ankiyb ganxsus/ s’uun/ ishi xuusamə. (3 feredi)
- Fyaadis 1-20 sakab ishi es’kamə. (5 feredi)
- Yaabkn sistukiyb noogus (amsu, kaazha, kasha, baxha, s’ora, ayn) yis ishira ishi haaku maakamə. (4 feredi)
- Asta ishi kiyb kambika qoysnsab kambika ishi keknsamə. (4 feredi)
- Siviri aska bazhxukab yirsis ishi xuusamə. (3 feredi)

Tamarsa kookns:

Daan nogn, saaya saya, maaka, bazhu sesa, ooxhaka bangarsaka, shaara, kaasu.

Aska tamarsa yirsis -

Há bata nognxnbab kardi, saaya, kaasu, shaara maxsaafi, yaabkn kumka absi sesukiyb siviri, 10- 20 sakab fyaadis, siviri aska bazhxuka yirsis, há qoy qoyka kiyb siviri, há qoy qoyka kiyb ay yirsis,makini gooma, qamxhu.



Daan Nogn Saati

	Há bata nognxnbab kardi – etsn qoy	
--	------------------------------------	--

Há bata nognxnbab ooxhaas

1. Sivirns bata iyqabaab ekis yirka yirka tə ítikn sexuki? Ítikn iyqa ekis kiyishi? Ekis íti data yegr yeshntaka ishi gotn yeshnta aas ges ganxsuka/s'uunka/ íti es'ku kiy?
2. Siviri bata íti seekiyb yaabuskn kumka toora kiyb faad naastə? Ítikn beetnta askn kumka toora kiyb faad maakanbaab íti tə?
3. Íti seekiyb siviris aas ges ganxsu/s'uun ishi kesam íti ge aruki? Ítikn kambiqa íti siiskiyb ganxsu/s'uun/ ítira kazhnsh kiybka sheenkiyb naastə?
4. Siviri bata baay gebm ishi kiy? Fyaadis 10-20 sakab gərika səga kaay es'knbaab íti tə?
5. Kambi qoysnsqa te xuuskiyti? Íti teekis há footnta íti kambika daana aasta kiy íti se?
6. Dadns siviri bata yira yeshnta há doorkiy? Kyaans asara zifmkiybta yirtə askn sistam íti ge arukiy?



Saaya Saati

- Saaya maxsaafiqa syaaya fyaadi 2 bata kambi xusnsa geb saaya ishikn saytə asqa keesab oxha ishikn ooxhitə. Askn xhornta astab zeeru ishira zeeritə.



Kifirikn Butabaab Kaasu

- Kifirikn butabaab kaasu geb maxsaafiq a kaasu fyaadi 3 “faad bata aatu” geb kaasu ishi kaas ishikn faad sumara xuusə geytə.
- Kifirikn butabaab kaasu maxsaafi gebqa kaasu fyaadi 4 bata há qoy qoyka kiyb iyqabaab ekis ishi data yegn yehntaka ishi data gotn yeshntaka ishikn gatsnbaab s’uun/ganxsu ishi kaas xuusə geytə.
- Kifirikn butabab kaasu maxsaafiq a fyaadi 5 bata fyaadi kaasu “fyadiska dubdn bazha” gekab kaasu ishi kaasə geytə.
- “Ishi utab kaasu” dadus ishi utab kaasu ishi qoy qena kiytə dubdnka kiy kaastə ishi ishi xuusira angusə geytə.



Bazhu Sesa Saati

- **Bazhxnbaab 1** - Bazhu sesa maxsaafiq a bazhxnbaab 2 bata astab 10-20 sakab fyaadis ishi gərika aru maakə geytə.
- **Bahxnbaab 2** - bazhu sesa maxsaafiq a bazhnxbaab 3 bata astab 10-20 sakab fyaadisara qamxhu, shevi, korki dubdustə ishi fyadə geytə.
- **Bazhxnbaab 3** - bazhu sesa maxsaafiq a bazhxnbaab 4 bata astab 10-20 sakab fyaadisara ishi gərika maakə geytə.



Siviri Bazha Xuusi Vyaza Saati

- Sivirika qoy qoy noogus aska bazhxukab yirsis amsu: inchu, naaga, kartona, toga, kooytə dadus aska há qoy qoyka kiyb siviri bazhə geytə.
- Há bata nogxukab kardi 5 bata kiyb siviri seetə ishi ishikn kambiqabaabka keknsə geytə.



Kifiriqabaab Kaasu

- Kifiriqabaab kaasu maxsaafiq a kaasu fyaadi 1 bata “yirtə ítikn sistuki?” geb kaasu ishi kaas há qoy qoyka kiyb ishikn sistab gonchi hakar maakə geytə.
- Kifiriqabaab kaasu maxsaafiq a kaasu fyaadi 2 bata “fyadi kaas” geb ishi kaas fyaadisara xuuseə geytə.



Shaara Saati

- Shaara maxsaafiqa shaara fyaadi 1 bata “ní inə timirti iyta” geb ishi sharu ishi timirtira utə geytə.
- Shaara maxsaafiqa shaara fyaadi 2 bata “yaabkn faad” gekab ishi sharu yaabkn faad sumara xuusə geytə.
- Shaara maxsaafiqa fyaadi 1-10 sakab fyaadis ish gərika fyadu “ní kaase ní kazhə” gekab shaara shaarə geytə.
- Shaara maxsaafiqa shaara fyaadi 3 bata 10-20 sakab fyaadis ishi gərika fyadutə “kafa koytnbey” geb shaara shaara geytə.
- Shaara maxsaafiqa shaara fyaadi 5 bata “mərki zaaras” geb shaara ishi sharu hā qoy qoyka kiyb mərki xuusə geytə.

Gaba 3

Gaba Haas Timirtnsqa Kotukiyb Vyaza

Dadus timirtns haas ishi tamarabkn adiqə:-

- Yaabkn faadus bazhara ishi maakamə. (4 feredi)
- Iyqabaab ekis ishi data yegn yeshntaka gotn yeshnta gatsnbaab s'uun/ganxsu/ ishi xuusamə. (2 feredi)
- Ha4 qoy qoy kiyb yaab Ganxsu/s'uun ishi xuusamə. (3 feredi)
- Fyaadis 1-20 sakab ishi es'kamə. (2 feredi)
- Fyaadis ishi xsAAFAMƏ. (3 feredi)
- Ishikn sistukiyb noogus (amsu kaazha, kasha, baxha, s'ornka ayn ishi xuus maakmə. (2 feredi)
- Ishi gəri ishikn ishi gatsnbaab xuusira ishi bazhaka angusamə. (2 feredi)
- Asta ishi kiyb kambira qoysanab kambi daana ishi keknsamə. (4 feredi)
- Sviriska kuc'uka bazhxab nooguskn kyamara ishi kiybara ishi maakmə.(3 feredi)

Aska tamarsa kookns -

Daan nogn, saaya saya, maaka, bazhu sesa, ooxhaka bangarsaka, shaara, kaasu.

Aska tamarsa yirsis -

Há bata nognxnbaab kardi, saaya, kaasuka shaaraka maxsaafi, yaabkn kumka absi kiyb seesukiyb siviri, fyaduxuxnbaab noogus(shevi, qamxhu, inchu) ishikn kambiqa yaftukiyb iy siviris, ay yirsis, siviri worqata, s'uuta asta s'utuxukab, irsaasi, makini gooma, qamxhu.



Daan Nogn Saati

Há bata nognxukab kardi – qoytaab etsn

Há bata nognxnbaab ooxhaas

1. Daduso sivirqa aynkiyb yaab siviri ítikn sexukiya? Yira yeshnta há aynkis há ítikn akarkiy?
2. Siviriqa kazhnshkiybka sheenkas s'uun sisuskas noogu ítikn sexukiya? Ítikn kambiqa íti siiskiyb s'uunkn beetnta ítira kazhnshkiska ítikn sheenkis naastə? Yira yeshnta?
3. Siviriqa dadus yira ishi bazhukiy? Sivirinsara ishikn faad naaska ishi bazhukiy?
4. Sivirnsqa íti seekiyb kambi íti kambika daana íti keknsabta yira akarkiy? Ítikn kambiqa yirka yirka te sexukiya? Qoysns kambiqa te xuuskiyti? Íti səgnta ítikn kambiqa kaaykiyb yirka yirka íti se?



Saaya Saati

- Saaya maxsaafiqsa syaaya 3 bata n̄ zhaazha koota gebqa Baasi saaya ishikn sayitə. Yiskn adiqsa asqa keesab ooxha ishikn ooxhitə. Askn xhornta astab zeeru ishira zeeritə.



Kifirikn Butabaab Kaasu

- Kifirikn butabaab kaasus maxsaafiqa kaasu fyaadi 5 bata Hisaabi timirti kaasu “fyaadiska dubdn bazha” geb kaasu ishi kaasə getə íti fyaadisara ishi xuusn yeshnta ishikn gatsnitə.
- Dadus ishikn aab qimxhutə ishi yartis sisukab s'uunara ìti s'uun há footnta ishi xuusə geytə.
- Kifirikn butabaab kaasus maxsaafiqa kaasu fyaadi 2 bata “ekis kaasu” geb kaasu kaastə ishi ekis s'uunara bes'ku xuusə geytə.
- “Ishi utab kaasu” dadus ishi utab kaasura beertə ishi qoy ishi oynta dubdnka kiy kaastə ishi xuusira ishi angusə geytə.



Bazhu Sesa Saati

- **Bazhxnbaab 1** - bazhu sesa maxsaafiqa bazha fyaadi 5 bata astab gonchi 1-20 sakab fyaadisara qaaxhaab dubdustə qaaxhabka fyaadiskara ishi kyamsu fadə geytə.
- **Bazhxnbaab 2** - bazhu sesa maxsaafiqa bazha fyaadi 4 bata astab gonchi fyaadi kardi bata 1-20 sakab fyaadisara ishi gərika aru es'kə geytə.
- **Bazhxnbaab 2** - bazhu sesa maxsaafiqa bazha fyaadi 6 bata kiyb gonchi irsaasi asta atuxu xsuftukab gonchi ishi aatu xsAAFUTƏ 1-20 sakab fyaadisara ishi booxe geytə.
- **Bazhxnbaab 2** - bazhu sesa maxsaafiqa bazha fyaadi 7 bata astab gonchi tok tokaka fikaustab 1-20 sakab fyaadisara ishi kyamsu xsAAFƏ geytə.
- **Bazhxnbaab 5** - kumkn qada kiyb yaabkn faad sesukiyb siviri daduskn seesutə ishi gaatsa ishi maakə geytə (amsu aab səgakn, haay siisakn....) askn xhornta ishira zeertə xhorshitə.



Siviri Bazha Xuusi Vyaza Saati

- Siviri gexab yira tənta daduska daana nognitə. Amsu ishikn kambiqə kiyb iyka hā qoy qoy kiyb siviri bazhu ishikn seesitə.
- Siviri bazha xuusi saati maxsaafiqa bazha xuusi fyaadi 1 bata “sivirisara nyaga” geb ishi bazhə getə íti ishi bazhu xuun yeshnta anə.



Kifiriqabaab Kaasu

- Kifiriqabaab kaasus maxsaafiqä kaasu fyaadi 1 “yirtä ítikn sistu?” geb ishi kaasə getə ishikn sistab noogus ishi maakə geytə. (Amsu:- kaazha, s’orn, baxha)



Shaara Saati

- Shaara maxsaafiqä shaara fyaadi 2 bata “yaabkn faad” geb shaara ishi sharu yaabkn faad sum xuusə geytə.

Gaba 4

Gaba Haas Timirtnsqä Kotukiyb Vyaza

Dadus timirtns haas ishi tamarabkn adiqä:-

- Yaabkn faadus bazhara ishi xuusamə. (4 feredi)
- Yaabkn s'uun hā qoy qoyka kiybara ishi xuusamə. (1 feredi)
- Matkabka bazhxnbaab bazha ishi xuus bazhamə. (4 feredi)
- Fyaadisara ishi xsAAFAMƏ. (5 feredi)
- Ishi gəri ishira gatsn xuusi ishi xuusamə. (4 feredi)
- Asta ishi kiyb kambika qoysnsab kambika ishi keknsamə. (1 feredi)
- Bausukiyb kooknara ishi xuusamə. (3 feredi)
- Siviriska kuc'uka bazhxab noogus ishi kekns maakamə. (2 feredi)
- Ishikn kambiqa kiyb noogus siviri ishi bazhamə. (1 feredi)

Tamarsa kookn:

Daan nogn, saaya saaya, maaka, bazha sesa, ooxhaka bangarsaka, shaara, kaasu.

Tamarsa yirsis:

Há bata nognxnbab kardi, saaya, kaasuka shaaraka maxsaafi, yaabkn kumka absi kiyb seesukiyb siviri, fyaduxuxnbab noogus(shevi, qamxhu, inchu) ishikn kambiqa yaftukiyb iy siviris, ay yirsis, siviri worqata, s'uuta asta s'utuxukab, irsaasi, makini gooma, qamxhu.



Daan Nogn Saati

	Há bata nognxukab kardi – qoytaab etsn	
--	---	--

Há bata nognxnbab ooxhaas

1. Sivirika yaabkn basuskiyb kookns ítikn sexukiya? Naastə anga bauskiynta íti yaabuskn maakitə. Yirka yirka ishi yaabkn atsukiy?
2. Siviri bata ishi gəri ishikn gatsnkiyb siviri ítikn sexukiya?



Saaya Saati

- Saaya maxsaafi maxsaafiqä saaya fyaadi 4 bata “xaagnbaab uutns” geb saaya ishikn saytə íti dadus asta ishi kiyb kambira ishi qoysnsab kambika daana keknə geytə. Saaynsqa keesab ooxha ishikn ooxhitə. Askn xhornta kiyb zeernsara ishira íti zeernbaab sheyara qeytə.



Kifirikn Butabaab Kaasu

- Kifirikn butabaab kaasus maxsaafiqä kaasu fyaadi 6 bata “vyachusn kaasu” geb kaasu kaastə ishi matkabka bazhxnbab bazha vyazu bazhu xuusə geytə.
- “Ishi utab kaasu” dadus ishi utab kaasu beeertə ishi qoy há samta dubdnka kiy kaastə ishi ishikn ketaab xuusi angusə geytə.



Bazhu Sesa Saati

- **Bazhxnaab 1** - 1-20 sakab fyaadisara ishikn seesutə íti dadus ishi dabtara bata bangars bangars xsaafe geytə.
- **Bazhxnaab 2** - yaabkn kumka toora kiyb siviri ishikn seesutə há gaatsara ishi maakə geytə. (amsu kuc'u aska n̄ aatn yeshnta, as'u aska n̄ boozn yeshnta ...)



Siviri Bazha Xuusi Vyaza Saati

- Kuc'uka bazhxab noogus gexab yira tənta daduska daan nognitə. Amsu ishikn kambiqa kiyb kuc'uka bazhxab noogus ishikn seesutə kuc'uka bazhxab noogus ishi xuusn yeshnta ishikn gatsnitə.
- Siviri bazha xuusi saati maxsaafiqa bazha fyaadi 2 bata ishikn kambiqa kiyb há qoy qoyka kiyb siviris quxsutə íti gen ishi dadus kyamsu kyamsu kaasə geytə.
- Siviri bazha xuusi saati maxsaafiqa bazha fyaadi 3 bata ishikn kambiqa kiyb yaabkn basuskiyb kooknsara ishi dabtara bata ishi xsaafe há bata booxə geytə.



Kifiriqabaab Kaasu

- Kifiriqabaab kaasu maxsaafiqa kaasu fyaadi 3 bata ishi qoy qoyka kiyb yaabuskn s'uunara (amsu yaab igns, nyaaku, dadu kotnsab, baaya) ishi kaasuka xuusə geytə.



Shaara Saati

- Kumka toora kiyb yaabkn faad bazha ishi xuusn yeshnta gatsnkiyb shaara fikustə íti ishi sharə geytə.
- Shaara maxsaafiqa shaara fyaadi 7 bata "kuc'u barxusha ye təkə" geb shaara ishi shaaru ishi gəri ishira zhazhnsh kootə geytə.

2^{ta}babaab Etsn Timirti



Gaba 5

Gaba Haas Timirtnsqa Kotukiyb Vyaza

Dadus timirtns haas ishi tamarabkn adiqa:-

- Yaabkn faadus bazhara ishi maakamə.(4 feredi)
- Kabusiska bazhuxukab noogusara ishi xuustə ishi bangarsi atsamə. (4 feredi)
- Dubnkn basnta dachabaab kyamsusnka ishi kyamu gatsnxamə. (1 feredi)
- Fyadisara ishi xsAAFAMƏ. (5 feredi)
- Ishi gəri ishikn ishi gatsnbaab xuusi ishi angutə ishi aska gatsnxamə. (2 feredi)
- Qoysnsab yaab daana kiyxukab gaydu ushuku xuusi ishi angusamə. (2feredi)
- Gatsa atsukab kooknsara ishi bes'ku xuusamə. (4 feredi)
- Ishikn kambiqa kaari yaftukiyb noogus sivirara ishi bazhamə (3 feredi)

Tamarsa kookns:

Daan noonga, sayasara maaka bazhu sesa, ooxhaka bangarsaka sharaka kaasuka.

Aska tamarsa yirsis:

Há bata nognxnbaab kardi, saaya, kaasuka shaaraka maxsaafi, yaabkn kumka absi kiyb seesukiyb siviri, fyaduxuxnbaab noogus(shevi, qamxhu, inchu) ishikn kambiqqa yaftukiyb iy siviris, ay yirsis, siviri worqata, s'uuta asta s'utuxukab, irsaasi, makini gooma, qamxhu.



Daan Nogn Saati

Há bata nognxnbaab kardi – xaagntabaab etsn

Há bata nognxnbaab ooxhaas

1. Sivirns bata yira yira noogu íti səkiy?
2. Sivirinsqa bazhuxukiyb bazhaasara ítikn iytaka timirti iytakari íti gərikn íti vyazu bazha? Íti vyazu bazhara íti ques há footnote ítitə ítikn bazha?
3. Sivirnsqa ishi gəri ishira gatsnkiyb ítikn sexukiya? Yira ishi bazhukiy?
4. Sivirnsqa yaab dadukn basuskiyb noogus naas tənta íti yaabuskan íti qay maaka? Yira ishi yaabkn atsuki?



Saaya Saati

- Saaya maxsaafiqqa saaya fyaadi 5 bata “Bootaka Yibsaka” geb saaya ishikn syaytə. Yiskn adiqa asqa ooxha ishikn ooxhitə. Askn xhornta zeerns ishira zeeritə.



Kifirikn Butabaab Kaasu

- Kififirkn butabaab kaasus maxsaafiqqa kaasu fyaadi 7 “Piqi asta geb gonchi” geb kaasu ishi kaasə getə matkabka bazhxnbaab bazha ishi bazhə geytə.
- “Ishi utab kaasu” dadus ishi utab kaasu beertə ishi qoy ishi oynta dubdnka ishi kaas keta ishikn basuskiyb xuusi angusə geytə.



Bazhu Sesa Saati

- **Bazhxnbaab 1** - bazhu sesa maxsaafiqa bazha fyaadi 8 bata astab gonchi dadus dinga woogutə ishi utab kaasu bata ishi nognə geytə. Ishikn beetnta kaasnsqa ishira tunbaab beertə, ishi kaasə geytə. Ooxha ooxhusntə ishi kaasə geytə.
- **Bazhxnbaab 2** - bazhu sesa maxsaafiqa bazha fyaadi 9 bata 1-20 sakab fyaadisara íti maakn ishi səga kaay xsAAFƏ geytə.
- **Bazhxnbaab 3** - Bazhu sesa maxsaafiqa bazha fyaadi 10 bata ishi gəri ishikn gatsn basusab ishi dadus xuusə geytə.
- **Bazhxnbaab 4** - Astamaariyo íti utukiyb kaasura yira yeshnta íti utnta daduskn maakitə. Askn xhornta dadus ishi utab kaasu beertə yira yeshnta ishi utnta ishi maakə geytə.
- **Bazhxnbaab 5** - astamaariyo daduskn daan kiyaka gaydu kiynta daan wus'ka geb bata ishi daan nogn gaydu wus'ka xuusə geytə.



Siviri Bazha Xuusi Vyaza Saati

- Siviri bazha xuusi saati maxsaafiqa fyadi 3 bata ishikn kambiqə kiyb bazha iys sivri ishi bazhu booxə geytə.
- Bazha vyazza xuusi maxsaafiqa fyaadi 4 bata yaabkn faad siviri bata ishi booxe geytə.



Kifiriqabaab Kaasu

- Kifiriqabaab kaasus maxsaafiqa kaasu fyaadi 4 bata “suku bata goba kaasu” geb kaasura ishi kaas yaabka daana kiya xuusi angusə geytə.



Shaara Saati

- Kumkn qaanqa kiyb yaabkn faad bazha ishi xuusn yeshnta ishi shaara sharə geytə.
- Shaara maxsaafiqa shaara fyaadi 7 bata “ñ baadns Yaarab” geb shaara ishi sharu ishi gəri ishira gatsn vyazə geytə.

Gaba 6

Gaba Haas Timirtnsqa Kotukiyb Vyaza

Dadus timirtns haas ishi tamarabkn adiqqa:-

- Faad woshknska karbuska ishi sesamə. (4 feredi)
- Daan kaymu nogn ishi kyamu nogn sesamə. (5 feredi)
- Fyaadisara ishi xsAAFAMƏ.(3 feredi)
- Fyaadisara sesukiyb amsu askn qoytabaab, askn xaagntabaab, askn kadutabaab ishi maakamə.(2 feredi)
- Yaabka daan kiyaka gaydu kiynta daan wus'ka ishi xuusamə. (4 feredi)
- Ishikn kambiqä kiyb noogus yira ishi hakarnta ishi maakamə. (4 feredi)
- Ishikn kambiqä kiyb noogus siviri ishi bazhamə. (3 feredi)

Tamarsa kookns:

Daan nogn, saaya saya, maaka, bazhu sesa, ooxhaka bangarsaka, shaara, kaasu

Aska tamarsa yirsi:

Há bata nognxnbab kardi, saaya, kaasuka shaaraka maxsaafi, yaabkn kumka absi kiyb seesukiyb siviri, fyaduxuxnbab noogus(shevi, qamxhu, inchu) ishikn kambiqä yaftukiyb iy siviris, ay yirsis, siviri worqata, s'uuta asta s'utuxukab, irsaasi, makini gooma, qamxhu.



Daan Nogn Saati

Há bata nognxnbab kardi – xaagntabaab etsn

Há bata nognxnbab ooxhaas

- Siviri bata yaabkn faad qozhn yeshnta gatsnkiyb naastə?
- Siviriqa kyaanu asara zifm iyb dadns kyaans asara wooxsara qen yeshnta aas há bazhnta tə? íti íti footnta aas íti bazha?

- Siviri bata yabmskn as'uqa gumtukiyb dadns yira bazhukiy?
- Siviri bata yaabus duba ishi kiyb zhazhnsha há ítikn hakar kiy? Aas íti bazhu xuus?



Saaya Saati

- Saaya maxsaafiqa fyaadi 6 bata daan kiyaka gaydu kiynta daan wus'kaka daan kyamukiyb saaya ishikn saytə. Yiskn adiqä dadus saaynsqa ishi siisab gonchi ishi footu bazhu sesə geytə.



Kifirikn Butabaab Kaasu

- Dadus asta há kastukabkn xhornta sakutə ishi kaaysta moy bangarnta asta ishi ge yegnbaab (dafa ge ina, doora, goba) ishi sesə getə ishi xsarkiybara ishi fyadə geytə.
- “Ishi utab” dadus ishi utab kaasu beertə ishi qoy ishi oynta dubdnka kiy kaastə ishi ketabaab xuusi angusə geytə.



Bazhu Sesa Saati

- **Bazhxnbaab 1** - bazhu sesa maxsaafiqa bazha fyaadi 11 bata kiyb 1-20 sakab fyaadisqa qoqarab fyaadi ishi xsotsu xsAAFə geytə.
- **Bazhxnbaab 2** - há qoy qoyka kiyb yirsisara daduskn atsutə shiquta kiytə kaari shadnsta ishi wogus naastə shiqns naastə shadns footnta maakə geytə.
- **Bazhxnbaab 3** - Dadus dubdnka kiytə timirti iykn booqa kiyb noogus ishi dubdus aas ishi kiynta maakə geytə. Amsu : inchukn haay, shevi, tuuru,
- **Bazhxnbaab 4** - Bazhu sesa maxsaafiqa bazha fyaadi 8 bata astab gonchi dadus dubdnka kiytə ishikn kambiqa kiyb noogus. Amsu hakimi iy, timirti iy gaba yis ishi gaatsa bata ishi nognə geytə.



Siviri Bazha Xuusi Vyaza Saati

- Isforti bazhukiyb yaab siviri daduskn atsutə há bata ishi booxu kaasə geytə.
- Ishikn kambiqa kiyb bazha iys siviri siviris daduskn atsutə há bata ishi booxu kaasə geytə.

- Siviri bata há boxn yeshnta gatsnkiyb noogu asta kaaykiybtä ishi kiyntä (woochi haay, tuuru, xooka, ishi an booxe geytə.)



Kifiriqabaab Kaasu

- Kifiriqabaab kaasuskn beetnta gaba haas timirtnska kyamukiyb kaasu ishi kaasə geytə.



Shaara Saati

- Ítikn kambiqabaab nooguska daan kyamukiyb shaara fikustə íti dadus sharə ge.
- Shaara maxsaafiqä shaara fyaadi 9 “ń keta qoy kooknta geb” shara ishi sharu daan kiya xuusə geytə.

Gaba 7

Gaba Haas Timirtnsqa Kotukiyb Vyaza

Dadus timirtns haas ishi tamarabkn adiqa:-

- Faad woshknska qozhaka ishi sesamə. (4 feredi)
- Daan nogn ishi vyazamə. (5 feredi)
- Asta saka ishi maakamə. (amsu: 1tabaab, 2tabaab, 3tabaab) (4 feredi)
- Yirsisara ishi (soy, woshi, ukiribaab) gebka ishi keknsamə. (1 feredi)
- Daan kiyka gaydu daan wus'ka ishi xuusamə. (2 feredi)
- Yaab aas há yaabkn gatsnxantaka ishi xuusamə. (2 feredi)
- Ishikn kambiqä kiyb noogus aas ishi kiyntä ishi xuusamə. (4 feredi)
- Ishikn kambiqä kiyb noogus siviri ishi bazhamə. (3 feredi)

Tamarsa kookns:

Daan nogn, saaya saya, maaka, bazhu sesa, ooxhaka bangarsaka, shaara, kaasus.

Aska tamarsa yirsis:

Há bata nognxnbab kardi, saaya, kaasuka shaaraka maxsaafi, yaabkn kumka absi kiyb seesukiyb siviri, fyaduxuxnbab noogus(shevi, qamxhu, inchu) ishikn kambiqa yaftukiyb iy siviris, ay yirsis, siviri worqata, s'uuta asta s'utuxukab, irsaasi, makini gooma, qamxhu.



Daan Nogn Saati

Há bata nognxnbab kardis - Xaagn tabaab etsn

Há bata nognxnbab ooxhaas

- Sivirnsqa yirka yirka te ítikn sexuki? Yirka yirka te bazhxukiy siviri bata?
- Sivirnsara dacha ge tiitu səgitə baaysna baabus te fata kiy? Baays gebm ishi kiy? Baabuso?
- Siviri bata daan gaatsaka bazhu kiybka daan debm kiyb ítikn sexukishi? Naastə? Aas kooknka?
- Siviri bata daan nogn kiyb yaab ítikn sexuki? Naaste? Yira yeshnta ishi nogn kiys há ítikn hakar kiy?



Saaya Saati

- Saaya maxsaafiqa saaya fyaadi 7 bata “karqabaab nuuxus” geb saaya ishikn saytə saaynsqa keesab ooxha ishikn ooxhitə. Askn xhornta astab zeeru ishira zeeritə.



Kifirikn Butabaab Kaasu

- Kifirikn butabaab kaasu maxsaafiq aas fyaadi 8 bata “ekis footu kaasu” geb ishira kasustə ekis gonchi ishi hakar boozə geytə. Amsu - fyaanu gonchi goba, fara gonchi kata.
- “Ishi utab kaasu” dadus ishi utab kaasu beertə ishi qoy ishi oynta dubdnka kiy kaas ketabaab xuusi angusə geytə.



Bazhu Sesa Saati

- **Bazhxnbaab 1:** Há qoy qoyka kixn ankiyb yirsis (amsu irsaasi, feena, inchus) daduskn atsutə shiquta kiytə kaari shadnsta ishi wogusə geytə.
- **Bazhxnbaab 2:** Dadus dubdnka kiytə timirti iyta kaari kiyb inchu zaaras fikus seetə ishi aas ishi kiynta maakə geytə. Amsu, korns, xhirns, shiqns, shaadns, dooda ishi ge maakə geytə.
- **Bazhxnbaab 3:** bazhu sesa maxsaafiq aas fyaadi 8 bata astab gonchi dadus ishikn kambiq aishiseekiyb gayduka aas há gaydu yis wus’kuxu kiynta maakə geytə. Amsu yaab debmta kambiq, timirti iyta dadu debmta, aas há bartustu kiynta ishi maakə geytə.
- **Bazhxnbaab 4:** Dadus maxsaafiq aiyb siviris se fyadutə naastə fata kiynta, naastə woshi kiynta, naaska naaska tə ukiri kiynta ishi maakə geytə.
- **Bazhxnbaab 5:** Dadus maxsaafiq aiyb siviri fyadutə ishi naastə fata kiynta ishi maakə geytə.
- **Bazhxnbaab:** Bazhu sesa maxsaafiq aas fyaadi 12 bata kiyb gonchi dadus dubdnka kiytə yaab aas há gatsnxanta ishi nogn kifiriqa qay maakə geytə.



Siviri Bazha Xuusi Vyaza Saati

- Ishikn kambiq aiyb siviri seetə (Amsu bakasha, iy ...) ishi bazhe geytə.



Kifiriqabaab Kaasu

- Kifriqabaab kaasu maxsaafiqa kaasu fyaadi 4 bata dadus dubdnka kiy “iy kaafa kaasu” geb kaasu kaas ishikn faad woshkns vyazə geytə.



Shaara Saati

- Ishikn kambiqä kiyb noogus aas ges ishi footnta maakukab shaara fikustə ishi sharə geytə.

Gaba 8

Gaba Haas Timirtnsqa Kotukiyb Vyaza

Dadus timirtns haas ishi tamarabkn adiqa:-

- Faad woshknska faad qozhnса ishi sesamə. (4 feredi)
- Daan nogn ishi vyazamə. (3 feredi)
- Qoysnsab yaab maakukiyb ishi vyazu haysu siisamə. (2 feredi)
- Yirsisara ishi keknsamə. (4 feredi)
- Shiifaka qoqarsaka ishi vyazamə. (1 feredi)
- Yaab aas há gatsnxanta ishi xuusamə. (4 feredi)
- Ishikn kambiqä kiyb noogus aas ges ishi footnta ishi xuusamə. (4 feredi)
- Ishikn kambiqä kiyb noogus siviri ishi bazhamə. (1 feredi)
- Fyaadiska há qoy qoy kiy siviri ishi bazhamə. (2 feredi)

Tamarsa kookns:

Daan nogn, saaya saya, maaka, bazhu sesa, ooxhaka bangarsaka, shaara, kaasu.

Aska tamarsa yirsis:

Há bata nognxnbaab kardi, saaya, kaasuka shaaraka maxsaafi, yaabkn kumka absi kiyb seesukiyb siviri, fyaduxuxnbaab noogus(shevi, qamxhu, inchu) ishikn kambiqä yaftukiyb iy siviris, ay yirsis, siviri worqata, s'uuta asta s'utuxukab, irsaasi, makini gooma, qamxhu.



Daan Nogn Saati

Há bata nognxnbaab kardi – xaagntabaab etsn

Há bata nognxnbaab ooxha

- Siviri bata baara ay daasiqa baabuska baayska fyaadi gebm há saka?
- Siviri bata baara ay daasiqa baabus qaynta baays gebm ishi sama?
- Siviri bata baaysna baabustə fata kiy?



Saaya Saati

- Saaya maxsaafiq aya fyaadi 8 “Boorika yi bazha yaabuska” gekab saaya ishikn saytə íti saaynsqa keesab ooxha ishikn ooxə. Askn xhornta kiyb zeeru ishira zeeritə.



Kifirikn Butabaab Kaasu

- Kifirikn butabaab kaasu maxsaafiq aya fyaadi 9 bata “ena há qenta səngno maksəngno” gekab kaasu ishi kaas ishikn faad qoznsə geytə.
- Dadus duba kiy woogutə ishi 1-20 saknbaab noogus íti ishikn atsn ishi qoy qoy ge qoqars kaasə geytə.
- “Ishi utab kaasu” dadus ishi utab kaasu beertə ishi qoy ishi oynta dubdnka kiy kaas ishi xuusira angusə geytə.



Bazhu Sesa Saati

- **Bazhxnbaab 1** - bazhu sesa maxsaafiq aya fyaadi 13 bata astab gonchi yaabka yirsiska xepu kob boozkab noogus íti ishikn atsn ishi asta ishi footnbaab gonchi bes’ku sesə geytə. Amsu - tuuru bata boozkiyb, haay bata boozkiyb noogus, naarru bata boozkiyb noogus ishi ge bes’kə geytə.
- **Bazhxnbaab 2** - bazhu sesa maxsaafiq aya fyaadi 8 bata kiyb gonchi ishikn kambiqa kiyb noogus yeshnta ishi maakə getə gaydu aas há wus’kuxanta ishi xuusə geytə. Amsu:- yaab baxhushnta, timirti iyta dadus debmta maakutə ishi asta ishi kiyb dubdnqa nognə geytə.

- **Bazhxnbaab 3** - dadusara xaagn zaabaka wogustə zaaba naastə fata kiynta ishi maakə geytə. Zaabas wobsha qoy footn yeshnta íti fikusabkn adiqä kash kash ishira aantə qoy ishi footabara ishi xuusə geytə.
- **Bazhxnbaab 4** - bazhu sesa maxsaafiqa fyaadi 14 bata astab gonchi fyaadisara kasha antə ishi dubdus qoy noogu bazhə geytə.
- **Bazhxnbaab 5** - bazhu sesa maxsaafiqa fyaadi 12 bata kiyb gonchi dadus dubdnka kiytə ishi qoy yaabara há yaab gatsnanta aas tənta ishi yaabuskn ishi maakə geytə.



Siviri Bazha Xuusi Vyaza Saati

- Ishikn kambiqä yaab aska baxu boozkiyb noogus ishi beer há siviri bazhu seesə geytə.



Kifiriqabaab Kaasu

- Kifiriqabaab kaasu maxsaafiqa kaasu fyaadi bata dadus dubdnka kiytə “dubdnsara keknsa” kaasu ishi kaasə geytə. Ishi kaaskiybta dadus puxha, kota, ukuri geb ishi xuusə geytə.



Shaara Saati

- Shaara maxsaafiqa fyaadi 10 bata “qoy bata qoy shiifutə xaagn ñ saskukə” geb shaara ishira sharusitə.

3^{ta}baab Etsn Timirti



Gaba 9

Gaba Haas Timirtnsqa Kotukiyb Vyaza

Dadus timirtns haas ishi tamarabkn adiqa:-

- Faad woshknka qozhnsha ishi sesamə. (2 feredi)
- Ishikn faad bata gaydu kiyb yaabus asta gatsnxukiyb yirsis sum ishi haaku maakamə. (2 feredi)
- Qoysnsab yaabus maakab ishi haysu siisamə. (5 feredi)
- Shiifaka qoqarsaka ishi bazhamə. (5 feredi)
- Yaab aas há gatsnxanta ishi maakamə. (2 feredi)
- Iyqabaab yaabus ishi haaku maakamə. (2 feredi)
- Ishikn kambiqa kiyb noogus aas ishi footnote ishi maakamə. (4 feredi)
- Fyaadiska há qoy qoyka kiyb siviris ishi bazhamə. (3 feredi)

Tamarsa kookn:

Daan nogn, saaya saya, maaka, bazhu sesa, ooxhaka bangarsaka, shaara, kaasu.

Aska tamarsa yirsis:

Há bata nognxnbaab kardi, saaya, kaasuka shaaraka maxsaafi, yaabkn kumka absi kiyb seesukiyb siviri, fyaduxuxnbaab noogus(shevi, qamxhu, inchu) ishikn kambiqa yaftukiyb iy siviris, ay yirsis, siviri worqata, s'uuta asta s'utuxukab, irsaasi, makini gooma, qamxhu.



Daan Nogn Saati

Há bata nognxnbaab kardi – kadutabaab etsn

Há bata nognxnbaab ooxha

1. Siviri bata yirka yirka tə ítikn sexuki?
2. Dadus siviri seetə qoy iyqa kiyb yaabus ítika ítika ishi footnta ishi maakə geytə. Yiskn adiqə siviri bata baaba, boy, dadus ishi qyabqu sesə geytə. Yaabus yira ishi bazhu kiy?
3. Sivri bata isforti bazhukiyb ekis kishi? Naastə? Aas ishi bazhu kiy?
4. Siviri bata iyqabaab ekiska naastə? Ishi sum maakiytə?



Saaya Saati

- Saaymaxsaafiqə fyaadi 9 bata “iyqabaab ekiska ishi daduska” gekab ishikn saytə íti asqa keesab ooxha ishikn ooxhə. Askn xhornta ishira zeeritə.



Kifirikn Butabaab Kaasu

- Ishi woskn isforti bazhə geytə. Amsu toora, absi, kaari vyaznta, moy kagata
- Kifiriqabaab kaasu maxsaafiqqa fyaadi 10 bata “kosira xerkus bara” gekab kaasu ishi kaas ishikn faadd qozhnshə geytə.
- Kifirikn butabaab kaasu maxsaafiqqa kaasu fyaadi 11 bata “Doyrn kosi” gekab kaasu ishi kaas ishikn faad qozhnshə geytə.
- “Ishi utab kaasu” dadus ishi utab kaasu beertə ishi qoy ishi oynta dubdnka ishi kiy kaas ishi xuusira angusə geytə.



Bazhu Sesa Saati

- **Bazhxnbaab 1:** Dadus dubdnka kiytə há qoy qoy kiyb iyqabaab ekis ishi haaku maakə geytə. Amsu: eezubey, kyaanu, zunku, oti) yiskn adiqa ekis aas ishi hakar kiynta ishi maakə geytə. Amsu ekis umkiyb umxa, asta ishi haaykiyb, , ishi atukiyb gaatsa)
- **Bazhxnbaab 2:** Dadus dubdnka kiytə ishi utab eki qoy beertə ishi há atsukiyb gaatsa haaku maakə geytə. Dadus dubdnqa ishi kiybta ishi karbu nognbaabka ishi haysu siisnbaab xuusi ishi karbusə geytə.
- **Bazhxnbaab 3:** ishikn kambiqa kiyb bazha iys amsu:- idiri iy, qabiri iy nonkara ishi baabnonkakn ooxhutə ishi ye kifiriqa maakə geytə.
- **Bazhxnbaab 4:** yaabkn faad gaydu há bata kiyb gexab aas footab tə? ishikn faad bata gaydu kiyb yaab se xuuskiyi? Yaabus yis ishi aska gatsnxukiyb yirsis ishi haaku maakə geytə.



Siviri Bazha Xuusi Vyaza Saati

- Siviri bazha xuusi saati mxsaafiqqa fyaadu 5 bata kiyb iyqabaab ekis siviri ishikn atsutə há bata ishi booxe geytə.



Kifiriqabaab Kaasu

- Dadus dubdnka ishi kiy woogə getə 1-20 sakab fyaadi ishikn atsutə qoy qoy ishi qoqars kaasə geytə.
- Kifiriqabaab kaasu maxsaafiqa kaasu fyaadi 6 dadus dubdnka kiytə há bata taka sakb yaab aas há gatsnxanta ishi dirama bazhu sesə geytə.



Shaara Saati

- Shaara maxsaafiqa fyaadi 11 bata “Iyqabaab yaabus” gekab shaara ishi sharə getə iyqabaab yaabus uuti ishi maakə geytə.
- Saaya maxsaafiqa fyaadi 12 bata shiifaka qoqarsaka geb bata shaara ishi sharə geytə. (Amsu: - “uc’u xhirnsab xarmusi xərpezi bata”) geb ishi tamu há sakukabka moy fyadu kaasə geytə.

Gaba 10

Gaba Haas Timirtnsqa Kotukiyb Vyaza

Dadus timirtns haas ishi tamarabkn adiqə:-

- Ishikn faad bata gaydu kiyb yaabus aska bazha bazhukiyb yirsis ishi haaku maakamə.(2 feredi)
- Kookn qoykn bangara kaaokn ishi xuusamə. (2 feredi)
- Qoysnsab yaabus maakukiyb ishi dacha ge haysu sissamə. (1 feredi)
- Ooxhaaskn ishi bangarsi atsamə. (4 feredi)
- Shiifaka qoqarsaka ishi vyazamə. (2 feredi)
- Xsoxsnsabka s’opka footab noogus ishi bes’ku xuusamə. (3 fredi)
- Iyqabaab yaabus ishi haaku maakamə. (2 feredi)
- Baabanonka ishi dadus zhaazha kiyn yeshnta bazhukiyb noogus ishi haaku maakamə.(2 feredi)
- Ishikn kambiqə kiyb noogus ishi haaku maakamə. (4 feredi)
- Siviris bata ishi booxu vyazamə. (3 feredi)

Tamarsa kookn :

Daan nogn, saaya saya, maaka, bazhu sesa, ooxhaka bangarsaka, shaara, kaasu

Aska tamarsa yirsis:

Há bata nognxnbaab kardi, saaya, kaasuka shaaraka maxsaafi, yaabkn kumka absi kiyb seesukiyb siviri, fyaduxuxnbaab noogus(shevi, qamxhu, inchu) ishikn kambiqqa yaftukiyb iy siviris, ay yirsis, siviri worqata, s'uuta asta s'utuxukab, irsaasi, makini gooma, qamxhu.



Daan Nogn Saati

Há bata nognxnbaab kardi – kadutabaab etsn

Há bata nognxnbaab ooxhaas

1. Siviri bata íti seekiybqa door bata kiyb yirkä yirkä tə? Kayfmkn qaanqo?
2. Siviri bata íti seekiybqa kuurakn saantaka adiqä kiyb yirkä yirkä tə?
3. Siviri bata íti seekiyb kadu Zambiriskn beetnta xsooxsa aatukiyb naastə? Dooras xepukiyb zambiriskn beetnta xsooxsa footb naastə?



Saaya Saati

- Ishikn faad bata gaydu kiyb yaabus bazha aska bazhnyeshnta gtsnkiyb yirsis sum ishi xuusn yeshnta gatsnbaab saaya ishikn saytə.
- Saaya maxsaafiqä saaya fyaadi 10 bata “Yetsu timirti iy” gekab saaya ishikn saytə ooxha ishikn ooxhitə.



Kifirikn Butabaab Kaasu

- Kifirikn butabaab kaasu mxsaafiqä fyaadi 12 bata “Yetara tuunkiyb seetə” gekab kaasu ishi kaas bangara kookn xuusə geytə. (amsu so, woka, hayqa, wushta)
- “ishi utab kaasu” dadus ishi utab kaasu beertə ishi qoy ishi oynta dubdnka ishi kaas ishi xuusi angusə geytə.



Bazhu Sesa Saati

- **Bazhxngaab 1:** Bazhu sesa maxsaafiqa bazha fyaadi 13 bata astab gonchi dadus karqabaab nuuxus sum haaku maakutə ishi aas ishi footnta bes'kə geytə. Amsu: baaya karbmsab, eera anga doorkiyb...ishi ge bes'kə geytə.
- **Bazhxngaab 2:** Dadus dubdnka kiytə ishikn iyqabaab yaabus ishi haaku maakə geytə. Qoysnsab dadus asqa oshtab ooxha ishi bangarsə geytə. Amsu: há baab yira bazhukiy? Há bey yira yi bazhukiy? Há niini bengi gebm tə?
- **Bazhxngaab 3:** Dadus daan nognara vyazutə, qoysnsab yaabus maakukiyb ishi haysu siisn yeshnta ishira karbusitə. Askn xhornta astab zeeru ishira zeeritə.



Siviri Bazha Xuusi Vyaza Saati

- Siviri bazha maxsaafiqa fyaadi 6 bata iyqabaab yaabus bazha bazhukiyb bazha sesukiyb siviri ishikn astitə. Yiskn adiqya yaabus yira ishi bazhu kiynta ishi maaku há bata booxe geyetə.
- Daduskn qoy dinga bazhxab siviri xaagn kooknta ukuri bes'kuxab atsutə askn s'opmara ishi booxə geytə.
- Iyqabaab yaabus siviri ishikn seesutə dadus ishikn iyqabaab yaabus siviri bazhu há bata booxu kifiriqa qay ishi yaabuskn maakə geytə.
- Siviri bazha xuusi maxsaafiqa fyaadi 7 bata ekiska nuuxuska siviri astutə há bata ishi booxe geytə.



Kifiriqabaab Kaasu

- Dadus dubdnka kiytə ishi iy qoyqa kiyb yaabus baab, boy, dadus bazhukiyb bazhara diramaka bazhu sesə geytə.



Shaara Saati

- Shaara maxsaafiqa fyaadi 11 bata "Iyqabaab yaabus" gekab shaara ishira sharustə iyqabaab yaabus asta utusn kiyb ishi xuusə geytə.
- Shaara maxsaafiqa fyaadi 12 bata shiifaka qoqarsaka gekab shaara ishi sharə geytə. Amsu : "saagn xarmusi hayqa iy bata " geb shaara

Gaba 11

Gaba Haas Timirtnsqa Kotukiyb Vyaza

Dadus timirtns haas ishi tamarabkn adiqa:-

- Kook qoykn bangara kookn ishi xuusamə. (4 feredi)
- Kyama ishikn kiyb ooxhaas ishi bangarsamə. (5 feredi)
- Qoy xsoxsnsabka s'opmka ishi bes'ku xuusamə. (2 feredi)
- Itopya biris, santimis, ishi bes'ku xuusamə. (3 feredi)
- Baabanonka ishi dadus zhaazha asta kootukiyb kookns ishi maakamə. (4 feredi)
- Ishikn kambiqä kiyb noogus aas ges ishi footnta ishi maakamə. (1 feredi)
- Ishikn kambiqä kiyb noogus atsukiyb gaatsa ishi maakamə. (3 feredi)
- Siviris bata ishi booxu bazhə geytə. (2 feredi)
- Togaka sicviri ishi bazhamə. (1 feredi)

Aska tamarsa kookns:

Daan nogn, saaya saya, maaka, bazhu sesa, ooxhaka bangarsaka, kaasu.

Aska tamarsa yirsis:

Há bata nognxnbaab kardi, saaya, kaasuka shaaraka maxsaafi, yaabkn kumka absi kiyb seesukiyb siviri, fyaduxuxnbaab noogus(shevi, qamxhu, inchu) ishikn kambiqä yaftukiyb iy siviris, ay yirsis, siviri worqata, s'uuta asta s'utuxukab, irsaasi, makini gooma, qamxhu.



Daan Nogn Saati

Há bata nognxnbab kardi – kadutabaab etsn

Há bata nognxnbab ooxhaas

- Siviri bata sexukiyb iyqabaab ekis yira ishi yaabkn atsukiy?
- Siviri bata íti seekiybqa yaabkn gatsnkiyb qoysn noogus yirka yirka tə? yira ishi yaabkn gatsnkiy?



Saaya Saati

- Saaya maxsaafiqa saaya 11 bata “kambiqa kaari kiyb s'uun ankiybka s'uun anara kiyb noogus” gekab saaya ishikn sayitə. Askn adiqä aska daan kyamukiyb ooxha ishikn ooxhitə. Askn xhornta astab zeeru ishira zeeritə.



Kifirikn Butabaab Kaasu

- Daduskn beetnta kaari booztə íti yirsisara ishikn sesə. Amsu: kosnsara wombaraakn daaduta antə, ítikn as'qa antə, kuc'uka aatutə yiskn adiqä kosns naasta há kiynta ishi maakə geytə.
- “Ishi utab kaasu” dadus ishi utab kaasu beertə ishi qoy ishi oynta dubdnka ishi kiy kaas ishi xuusira angusə geytə.



Bazhu Sesa Saati

- **Bazhxnbab 1:** dadus dubdnka kiytə ishi s'uun ankiybka s'uun anarakiyb noogus ishi ishi haaku maakə geytə. (amsu: nuuxus, inchus, tuuru, shevi, haay) ge maakutə yira ishi footnta amsu gyaxukiyb, umxukiyb, iy aska kaftukiyb, ishi ge bes'ku maakə geytə.
- **Bazhxnbab 2:** Astamaariyo daduskn hakimi ñ footnta aas íti ge nàng ooxha ooxha geytə amsu: naasta íti bazhukiy? Hakimi foota yir yehsnta há gatsna? Kushara ñ qen yeshnta aas í bazha?) geb ooxha ishi ooxhə geytə.

- **Bazhxnbaab 3:** Daduskn worqata, gachi, burtukaana, mangu atsutə ukiri ukiri ishi bes'kə geytə.
- **Bazhxnbaab 4:** bazhu sesa maxsaafiqä fyaadi 15 bata kiyb santimiska biriska 1 santimi, 2 santimi, sumini, shanchi, biri qoy santimi, 1 biri, 5 biri, 10 biri, 50 biri, 100 biri ishikn atsutə ishi bes'ku xuusə geytə.



Siviri Bazha Xuusi Vyaza Saati

- Siviri bazha maxsaafiqä fyaadi 8 bata astab gonchi inchus siviri ishikn atsutə íti ishi há bata booxe geytə.
- Saantimika birika daduskn atsutə íti maakn ishi worqata bata há siviri bazhə geytə.
- Siviri bazha xuusi maxsaafiqä fyaadi 9 bata togara daduskn astutə iyqabaab ekis siviri ishi bazhə geytə.



Kifiriqabaab Kaasu

- Kifiriqabaab kaasus maxsaafiqä dyaadi 7 bata dadus dubdnka kiytə iyqabaab yabus bazhara diramaka ishi bazhu sesə geytə.
- Kifirqabaab kaasu maxsaafiqä fyaadi 8 bata dadus gaba furkn kaasu ishi kaas fursusnara xuusə geytə.



Shaara Saati

- Baabanonkaka daduskakn kyama ishi xuusn yeshnta gatsnbaab shaara íti fikusn ishi sharə.
- Shaara maxsaafiqä fyaadi 13 bata “m̄ fayrn maxh maxh” gekab shaara ishi sharu ekis gaatsa xuusə geytə.

Gaba 12

Gaba Haas Timirtnsqa Kotukiyb Vyaza

Dadus timirtns haas ishi tamarabkn adiqaa:-

- Qoy kooknkn bangara kookn ishi xuusamə. (1 feredi)
- Ishi kagata bangarabka vyaznta bangarab faad ishi qozhnsamə. (3 feredi)
- Qoy noogu xuustə ishi bangars maakamə. (5 feredi)
- Yirsisi aas ges ishi footnta ishi xuus maakamə. (5 feredi)
- Baabanonka ishi dadus zhaazha asta kootukiyb bazha ishi maakamə. (2 feredi)
- Ñ gəri nətara gayduqaka kuuzhqə ñ kootnbaab kookn ishi xuusamə. (2 feredi)
- Ishikn kambiqa kiyb noogus atsukiyb gaatsa ishi xuus maakamə. (4 feredi)
- Togaka siviri ishi bazhamə. (3 feredi)

Tamarsa kookns :

Daan nogn, saaya sya, maaka, bazhu sesa, ooxhaka bangarsaka, shaara, kaasu.

Aska tamarsa yirsis:

Há bata nognxnbab kardi, saaya, kaasuka shaaraka maxsaafi, yaabkn kumka absi kiyb seesukiyb siviri, fyaduxuxnbab noogus(shevi, qamxhu, inchu) ishikn kambiqa yaftukiyb iy siviris, ay yirsis, siviri worqata, s'uuta asta s'utuxukab, irsaasi, makini gooma, qamxhu.



Daan Nogn Saati

Há bata nognxnbaab kardi – kadutabaab etsn

Há bata nognxnbaab ooxha

- Siviri bata ishikn kuc'u xaagnka qoy bahza bazhukiyb eki/nuuxu/ naastə? Íti ítikn kuc'u xaagnka yir bazha íti bazhu kiy?
- Siviri bata íti sekiyb ekis/nuuxus/ yira ishi bazhu kiy? Há xuusabara maakanbaab íti tə?
- Siviriqa yaab bata gaydu sasknbaab nuuxu naastə? Aas íti bazhu ítira koota?



Saaya Saati

- Saaya maxsaafiqa fyaadi 12 bata “kuuzh kooykab nooguskn vyacha kookn kaayə” gekab saaya ishikn saytə kuuzhqa ishira ishi kootn yeshnta ishira xusnsitə.
- Baabanonka ishi dadu zhaazha asta kootukiyb kookn maakukab saaya ishi baastə ishi sharə geytə.



Kifirikn Butabaab Kaasu

- “Suku bata goba” gekab kaasu ishi qoy kiytə ishi oynta dubdnka kiy bazhə geytə.
- Kifiriqabaab kaasu maxsaafiqa fyaadi 13 bata “bangara kookns” gekab kaasu ishi kaas bangara kookn yira footnta xuusə.
- “Ishi utab kaasu” dādus ishi utab kaasu beertə ishi qoy há qenta dubdnka ishi kiy kaasə geytə.



Bazhu Sesa Saati

- **Bazhxnbab 1:** Dadus ishika kyamab noogusara ishikn kifiriqa kiyb daduskn qay maakn yeshnta ishira karbusitə. Amsu eka iyta ishika kyamab noogu, timirti iyta ishi yekabta ishi kyamab ishi maakə geytə.
- **Bazhxnbab 2:** Tosa, saaya daduskn maakutə ishi bangars maakə geytə.
- **Bazhxnbab 3:** Dadus dubdnka kiytə ishi iyqabaab ekis haaku maakə geytə. Amsu zunku, geequ, kuchi, oti, fara, ge maakutə ishi atsukiyb gaatsa yira təntə ishi maakə geytə. Amsu ishi gyaxamə, ishi bata há woguxamə, ..



Siviri Bazha Xuusi Vyaza Saati

- Siviri bazha maxsaafiqa fyaadi 9 bata dadus togaka iyqabaab ekis siviri bazhutə ishi kaasə geytə.
- Siviri bazha maxsaafiqa fyaadi 9 bata dadus astamaarns ishikn maakab sivirira ishi togaka bazhu kaasə geytə.



Kifiriqabaab Kaasu

- Daduskn beetnta beertə so tamaariskn saanta saskiytə. Yiskn adiqə maara ishikn atsutə sukuka ishi fuutə íti gen ishi fuutu gaara gatsn kaasə geytə. Shonku suksna fuutu xhorshab yetsab há gexamə. Kaasns yis ishi bangars bangars kaasə geytə.



Shaara Saati

- Shaara maxsaafiqa fyaadi 14 “gorz’u” gekab shaara ishi sharu bangara kookn xuusə geytə.
- Shaara maxsaafiqa fyaadi 15 bata “ń zhaazha ń kootə” gekab shaara ishi sharu ishi gəri ishira kuuzhqa kootə geytə.

4^{ta}baab Etsn Timirti



Gaba 13

Gaba Haas Timirtnsqä Kotukiyb Vyaza

Dadus timirtns haas ishi tamarabkn adiqa:-

- Qoy kooknkn bangara kookn ishi xuusamə. (1 feredi)
- Ishi kagata bangarabka vyaznta bangarab faad ishi qozhnsamə. (3 feredi)
- Qoy noogu xuustə ishi bangars maakamə. (5 feredi)
- Noogu aabus ishi bes'ku xuusamə. (1 feredi)
- Yirsisara ishi bes'ku xuusamə. (5 feredi)
- Ñ géri nátara kuuzhqaka takaqa ñ kootnbaab kookn ishi xuusamə. (4 feredi)
- Ishikn kambiqa kiyb noogus yaabkn atsukiyb gaatsa ishi xuus maakmə. (4 feredi)
- Togaka siviri ishi bazhamə. (3 feredi)

Tamarsa kookns:

Daan nogn, saaya saya, maaka, bazhu sesa, ooxhaka bangarsaka, kaasu.

Aska tamarsa yirsis:

Há bata nognxnbab kardi, saaya, kaasuka shaaraka maxsaafi, yaabkn kumka absi kiyb seesukiyb siviri, fyaduxuxnbab noogus(shevi, qamxhu, inchu) ishikn kambiqa yaftukiyb iy siviris, ay yirsis, siviri worqata, s'uuta asta s'utuxukab, irsaasi, makini gooma, qamxhu.



Daan Nogn Saati

Há bata nognxnbab kardi – kubmtabaab etsn

Há bata nognxnbab ooxhaas

1. Siviri bata yirtə ítikn sexuki?y?
2. Siviri bata kiyb siviri es'knbaab íti tə?
3. Siviri bata koosi kaaskiyb dadu ítikn sexukiya? Íti te sesa? Íti koosi kaas xuuskiyti? Aas aas íti an kaaskiy?
4. Sivirns seetə aas ges ishi footnta ishikn kixnara bes'ku sesnbaab íti tə?
5. Siviri bata íti seekiyb noogus yirknka yirknka ishi getsnkiy?
6. Siviriqa íti seekiyb nooguskn beetnta togaka bazhxnbab naastə?
7. Siviri bata íti seekiyb dadus yira ishi bāzhukiy?



Saaya Saati

- Saaya maxsaafiqa fyaadu 13 bata Gaagi kaasu gekab saaya ishikn saytə asqa ooxha ishikn ooxhitə. Askn xhornta ishira zeeritə.



Kifirikn Butabaab Kaasu

- Kifirikn butabaab kaasu maxsaafiqqa fyaadi 14 bata “wutara ñ qen yeshtna náta kootu kaasa” gekab kaasu ishira kasustə ishi karbus ishi kootə geytə.
- Kifirikn butabaab kaasu fyaadi 6 “xhirns xhirnsab” gekab kaas ishira kasustə qoy noogu ishi aru bazhnyeshnta ishira karbusitə.
- Kifirikn butabaab kaasu maxsaafiqqa fyaadi 15 bata “fikustab zambiris” gekab kaasu ishi kaas qoy noogu kixn aas há kiynta ishi bes’ku maakə geytə.
- “Ishi utab kaasu” Dadus ishi utab kaasu beertə ishi qoy há qenta dubdnka ishi kaas ishi xuusira angusə geytə.



Bazhu Sesa Saati

- **Bazhxnbaab 1:** Bazhu sesa maxsaafiqqa fyaadi 16 bata astab gonchi daduskn há qoy qoyka kiyb gaachi atsutə íti gen ishi shiqns kiytə shadnqa wogus anə.
- **Bazhxnbaab 2:** Bazhu sesa maxsaafiqqa fyaadi 17 bata astab gonchi íti daduskn há qoy qoyka märki ankiyb íti ishikn atsn ishi bes’ku xuusə geytə.
- **Bazhxnbaab 3:** Bazhu sesa maxsaafiqqa fyaadi 18 bata astab gonchi daduskn ishikn kambiqa kiyb noogus siviri íti sesn ishi há gaatsara maakə geytə. Amsu: sirki, bacha, kyaanu, eeza
- **Bazhxnbaab 4:** Dadus ishikn kuc’u wobshaka chooka qoy aatutə ishi dingə vyatsab qoy hayqa bilakbordi bata bazhə geytə.
- **Bazhxnbaab 5:** Bazhu sesa maxsaafiqqa fyaadi 19 bata astab gonchi gaba haasqa ishi tamarab noogu aabus ishi xuusə geytə.



Siviri Bazha Xuusi Vyaza Saati

- Siviri maxsaafiqqa fyaadi 10 bata tok tokaka bazhxabara ishi kyamsu noogu aabusara xuus maakə geytə.
- Siviri maxsaafiqqa fyaadi 11 bata astab gonchi dadus togaka siviri bazhə geytə.



Kifiriqabaab Kaasu

- Kifiriqabaab kaasu maxsaafiqa fyaadi 9 bata “noogu aab kaasu” gekab kaasu ishi kaas noogu aabusara xuusə geytə.
- Kifiriqabaab kaasu maxsaafiqa fyaadi 10 bata “yirsis fyaadi masmara” gekab kaasu kaastə ishi yirsisara asta ishi anxnbaab anə geytə.
- Kifiriqabaab kaasu maxsaafiqa fyaadi 11 bata noogu aab goba kaasu geb ishi kaas noogu aabms s'uun xuusə geytə.



Shaara Saati

- Shaara maxsaafiqa fyaadi 16 bata “Abti kyaanu degn” geb shaara ishi sharu kuuzhqa ishira koota xuusə geytə.
- Shaara maxsaafiqa fyaadi 17 bata “Noogu aab ñ tamaram baaskiykə” geb ishi sharu noogu aab xuusə geytə.
- Shaara maxsaafiqa fyaadi 18 bata “Geeyqn koytnbey” geb ishi sharu kotnska vyatnsaka footab noogu xuusə geytə.

Gaba 14

Gaba Haas Timirtnsqa Kotukiyb Vyaza

Dadus timirtns haas ishi tamarabkn adiqä:-

- Kaari vyazntaka kaari kagata booztə ishi qoy noogukn beetnta footab ishi xuusamə. (3 feredi)
- Vyazantaka kagataka ishi bangar boozamə. (1 feredi)
- Noogu aabus ishi xuusamə. (5 feredi)
- Qoy noogukn kyamaka saantaka shooshtaka ishi bes'ku xuusamə. (5 feredi)
- Ñ gəri nátara kuuzhqaka takaqaka ñ kootnbaab kookn ishi xuusamə. (4 feredi)
- Kambiqa kaari kiyb noogus atsukiyb gaatsa ishi xuusamə. (3 feredi)
- Togaka siviri ishi bazhamə. (4 feredi)

Tamarsa kookns :

Daan nogn, saaya saya, maaka, bazhu sesa, ooxhaka bangarsaka, kaasu.

Aska tamarsa yirsis:

Há bata nognxnbaab kardi, saaya, kaasuka shaaraka maxsaafi, yaabkn kumka absi kiyb seesukiyb siviri, fyaduxuxnbaab noogus(shevi, qamxhu, inchu) ishikn kambiqqa yaftukiyb iy siviris, ay yirsis, siviri worqata, s'uuta asta s'utuxukab, irsaasi, makini gooma, qamxhu.



Daan Nogn Saati

Há bata nognxnbaab kardi - kubmtabaab etsn
--

Há bata nognxnbaab ooxhaas

1. Siviri bata íti seekiyb yirka yirka tə?
2. Siviri bata kagata kiytə kaari vyaznta vyzanta kiytə kaar kagata timirti iykn beetnta kaas kiyb dadus ítikn sexukishi? Naastə?
3. Siviri bata ítikn sexukiyb noogu aabus naastə?
4. Siviri bata há qoy qoyka kiyb noogus aas n̄ bazhu bes'ku xuusa?
5. Siviri bata íti seekiyb noogusqa yaab dadukn gatsnkiyb naastə? Yirknka yirknka ishi getn kiy?
6. Siviri bata íti seekiybqa togaka bazhxnbab naaste?



Saaya Saati

- Saaya maxsaafiqqa fyaadi 14 bata “Hakimi zeeru” geb saaya ishikn saytə ishira kuuzhqä ishi kktn yeshnta anitə.



Kifirikn Butabaab Kaasu

- Kifirikn butabaab kaasu maxsaafiqa fyaadi 1 bata “Yaabkn faad aabtabaab sum” gekab kaasu kaaystə ishi yaabkn faad sum xuusə geytə.
- Kifirikn butabaab kaasu maxsaafiqa fyaadi 16 bata “Booxa kaasu” geb ishi kaas vyazntaka kagatabaab yaabkn faad xuusə geytə.
- Suku bata guba kaasu ishi kaas yaabkn faad bazhara xuusə geytə.
- “Ishi utab kaasu” dadus ishi utab kaasu beertə ishi ishi oynta dubdnka kiytə ishi kaas ishi xuusira angusə geytə.



Bazhu Sesa Saati

- **Bazhxnbaab 1:** bazhu sesa maxsaafiqa fyaadi 20 bata nooguskn kyama ishi xuusə geytə.
- **Bazhxnbaab 2:** bazhu sesa maxsaafiqa fyaadi 19 bata kiyb gonchi gaba haasqa ishi tamarab noogu aabus ishi xuusə geytə.



Siviri Bazha Xuusi Vyaza Saati

- Siviri bazha xuusi maxsaafiqa fyaadi 11 bata astab gonchi dadus togaka ishi baasab iyqabaab yirsisi ishi bazhə geytə.



Kifiriqabaab Kaasu

- Kifiriqabaab kaasu maxsaafiqa fyaadi 12 kasha kiyb fyaadis kaasura ishi kaas kyamsu nooguskn beetnta kiyb kyama ishi maakə geytə.
- Kifiriqabaab kaasu maxsaafiqa fyaadu 13 bata yirsiska há mərkiska ishi kyamsə geytə.
- Kifiriqabaab kaasu maxsaafiqa fyaadi 14 bata gaba haasqabaab noogu aabuska noogu aab kaasu ishi kaasə geytə.



Shaara Saati

- Shaara maxsaafiqa fyaadi 18 bata “Geyqn koytnbey” gekab shaara ishi shaaru qoy noogukn kixnara ishi xuusə geytə.

Gaba 15

Gaba Haas Timirtnsqa Kotukiyb Vyaza

Dadus timirtns haas ishi tamarabkn adiqqa:-

- Ishikn faad kagatabaabka vyazantabaab ishi bangar bangar woshknsamə. (4 feredi)
- Noogu aabus ishi maakamə. (5 feredi)
- Nooguskn saantaka shooshtaka ishi kyamsu seesamə. (3 feredi)
- Dubdn ishi bazhamə. (2 feredi)
- Ñ gəri nátara kuuzhqä koota kookn ishi xuusamə. (4 feredi)
- Togaka siviri ishi bazhamə. (1 feredi)
- Worqata ishi quxsu siviri bazhamə. (2 feredi)

Tamarsa kookns :

- Daan nogn, saaya saya, maaka, bazhu sesa, ooxhaka bangarsaka, kaasu.

Aska tamarsa yirsis:

- Hå bata nognxnbab kardi, saaya, kaasuka shaaraka maxsaafi, yaabkn kumka absi kiyb seesukiyb siviri, fyaduxuxnbab noogus(shevi, qamxhu, inchu) ishikn kambiqä yaftukiyb iy siviris, ay yirsis, siviri worqata, s'uuta asta s'utuxukab, irsaasi, makini gooma, qamxhu.



Daan Nogn Saati

Há bata nognxnbab kardi - kubmtabaab etsn

Há bata nognxnbab ooxhaas

1. Siviri bata dadus kagata kiytə kaari vyazanta booz kaas kiyb naastə?
2. Siviri bata kiyb noogu aabus sum maaknbaab ìti tə?
3. Siviri bata askn kixnka askn markika qoy footab noogu sesnbaab ìti tə? Yirsis yisara kyamsnbaab ìti tə?
4. Siviri bata sexukiyb nooguskn beetnta togaka bazhxnbab naastə?
5. Siviri bata íti seekiybqa worqata qustn bazhxnbab naastə?



Saaya Saati

- Saaya mxsaafiqa fyaadi 15 bata “kadubaab faadab geequs” gekab saaya ishikn maakutə ishikn kambiqa kiyb noogus ishi aru xuusə geytə.
- Saaya maxsaafiqa fyaadi 16 “Ari ish utukibey ababa” geb saaya ishikn saytə ishikn kambiqabaab noogus ishi aru xuusə geytə.
- Ishikn kambiqa kiyb nooguska ishi qoy qoy noogu bazhu vyazn yeshnta gatsnbaab saaya ishikn saytə asqa keesab ooxha íti ishikn ooxhn ishi bangarsə.



Kifirikn Butabaab Kaasu

- Koosi wushta kaari xerkustə ishi kaas ishikn faad qozhnsə geytə.
- Kifirikn butabaab kaasu maxsaafiqa fyaadi 17 “uushu kaasu” ishi kaas kuuzhqa ishira kaatnbaab kookn xuusə geytə.
- “Ishi utab kaasu” dadus ishi utab kaasu beertə ishi qoy há sammta dubdnka ishi kiy kaasə geytə.



Bazhu Sesa Saati

- Bazhxnbaab 1 : Bazhu sesa maxsaafiqa fyaadi 21 bata kiyb gonchi fyaduxnbaab nooguska sukuka íti daduskn atsn ishi dadus yirsisara sukukn booqa dubdusə geytə.
- Bazhxnbaab 2: Ñ gəri nátara kuuzhqaka takaqa ñ kootnbaab kookn ishi dadus ishi baabnonkakn ooxhu ye kifiriqa maakə geytə.
- Bazhxnbaab 3: Bazhu sesa maxsaafiqa fyaadi 22 bata astab gonchi worqataka gangukibey, makini, ishi bazhu seesə geytə.
- Bazhxnbaab 4: Bazhu sesa maxsaafiqa fyaadi 19 bata astab gonchi gaba haasqabaab noogu aabus ishi haaku maakə geytə.



Siviri Bazha Xuusi Vyaza Saati

- Siviri bazha xuusi maxsaafiqa fyaadi 12 bata astab gonchi worqatnsara íti daduskn atsn ishi quxsu gooxns worqata bata nyagə geytə.
- Siviri bazha xuusi maxsaafiqa 13 bata astab gonchi togaka ishi noogu aabus bazhə geytə.
- Siviri bazha maxsaafiqa fyaadi 14 bata astab gonchi há qoy qoyka kiyb noogus siviri ishi worqata googu bata bazhu quxsu kyamsu kaasə geytə.
- Siviri bazha xuusi maxsaafiqa fyaadi 15 bata kiyb gonchi togaka ishi siviri bazhə geytə.



Kifiriqabaab Kaasu

- Ñ gəri nátara kuuzhqaka qoysns nooguqa ñ kootnbaab kookns amsu, ñ oofukiyb sheema, kuuzhqaka takaqa nátara ñ kootnbaab, kornti gyaadu baata aatara ñ qembaab ishi dadus diramaka bazhu sesə geytə.
- Kifiriqabaab kaasu maxsaafiqa fyaadi 14 bata “noogu aab baas yaafa” geb kaasu ishi kaas noogu aabus xuusə geytə.
- Kifiriqabaab kaasu maxsaafiqa fyaadi 13 bata yirvisa ishi mərkika kyamsa ishi kaas qoy noogura kyamsa xuusə geytə.

Shaara Saati

Shaara maxsaafiqa fyaadi 19 bata “xuusra ñ kiyqeb há samə” gekab shaara ishi sharu noogu aabus xuusə geytə.

Gaba 16

Gaba Haas Timirtnsqa Kotukiyb Vyaza

Dadus timirtns haas ishi tamarabkn adiqə:-

- Kagataka vyazntaka ishi ishikn faadara woshknsamə. (2 feredi)
- Ishikn kabi woshknstə ishi ishikn faadara qozhnsamə. (2 feredi)
- Noogu aabusara ishi xuusamə. (5 feredi)
- Dubdn ishi vyazu bazhamə. (2 redi)
- Dubdnsara ishi keknsamə. (3 fredi)
- Ñ gəri nátara kuuzhqa ñ kootnbaab kookns ishi xuusamə. (4 feredi)
- Ishikn kambiqa kiyb noogus ishi keknsamə. (4 feredi)
- Worqata ishi quxsu siviri bazhamə. (3 ferdei)

Tamarsa kookns:

Daan nogn, saaya saya, maaka, bazhu sesa, ooxhaka bangarsaka, kaasu.

Aska tamarsa yirsis:

Há bata nognxnbab kardi, saaya, kaasuka shaaraka maxsaafi, yaabkn kumka absi kiyb seesukiyb siviri, fyaduxuxnbab noogus(shevi, qamxhu, inchu) ishikn kambiqa yaftukiyb iy siviris, ay yirsis, siviri worqata, s'uuta asta s'utuxukab, irsaasi, makini gooma, qamxhu.



Daan Nogn Saati

Há bata nognxnbaab kardi – kubmtabaab etsn

Há bata nognxnbaab ooxhaas

1. Siviri bata yirka yirka tə ítikn sexukiy? Siviri bata ishikn kabi kagatabaabka vyazntabaab wosshkns kaaskiyb naastə?
2. Siviri bata dubdnka kiyb noogus yirtə?
3. Siviri bata íti sekiybqa worqata qustn bazhxnbaab naastə?
4. Siviri bata orshika kashu asqa barxukaab zambiri aatukiybey baayn yira ishi bazzhukiy?



Saaya Saati

- Saaya maxsaafiq a fyaadi 17 Noogu aabkn boy gekab saaya ishikn maakutə íti asqa ooxha ishikn ooxhə. Askn xhornta astab zeeru ishira zeeritə.



Kifirikn Butabaab Kaasu

- Há bata kestukab bata keesaka finaka ishi kees kas ishiknkagaka vyaznka kabi woshkns vyazə geytə.
- Kifirikn butabaab kaasu maxsaafiq a fyaadi 18 bata náng kuc'uka koosi atsa geb kaasu ishi kaas ishikn kabi woshkns vyazə geytə.
- “Ishi utab kaasu” dadus ishi utab kaasu beertə ishi ishi qoyka ishi oynta dubdnka ishi kiy kaas ishi xuusira angusə geytə.



Bazhu Sesa Saati

- Bazhxnbaab 1: Bazhu sesa maxsaafiqa fyaadi 23 bata kiyb gonchi tuuruka qamxhuka ishi iy aska kaftukab xuubi gexabara bazhə, woochi haay x'uputə ishi qarama bazhə geytə.
- Bazhxnbaab 2 : Bazhu sesa maxsaafiqa fyaadi 21 bata astab gonchi yirsiska sukuska íti ishikn atsn ishi yirsnsara suknsqa vyarsu kaasə geytə.
- Bazhxnbaab 3 : Bazhu sesa maxsaafiqa fyaadi 24 bata astab gonchi íti ishikn yirsis aatsn ishi kota, puxha, ukiri ge keknsə geytə.
- Bazhxnbaab 4: Bazhu sesa maxsaafiqa fyaadi 19 bata gaba haasqa ishi tamarab noogu aabus ishi aru xuusə geytə.



Siviri Bazha Xuusi Vyaza Saati

- Svirbazha maxsaafiqa fyaadi 15 bata astab gonchi ishi iyqabaab yirsi siviris bazhə geytə.



Kifiriqabaab Kaasu

- Kifiriqabaab kaasu maxsaafiqa fyaadi 14 bata noogu aab kaasu geb ishi kaas noogu aabusra xuusə geytə.



Shaara Saati

- Shaara maxsaafiqa fyaadi 20 bata “sayns syans” gekab shaara ishi sharu kuuzh ishi taabmbaab kookns xuusə geytə.

5^{ta}baab Etsn Timirti



Gaba 17

Gaba Haas Timirtnsqa Kotukiyb Vyaza

Dadus timirtns haas ishi tamarabkn adiqa:-

- Ishikn kabi woshknstə ishikn faad qozhn yeshnta ishi anamə. (4 feredi)
- Noogu aabus ishi xuusamə. (1 feredi)
- Xaagn há qenata kadu nooguka xsafTAB noogu gyaadu ishi nababamə. (3 feredi)
- Dubdnara ishi keknsamə. (1 feredi)
- Qoy nookn kyamaka kyamara ishi kiyb ishi nmaakamə. (4 feredi)
- Kuuzhka buchika aas ishi yaab bazhanta ishi maakamə. (4 feredi)
- Ishikn kambiqa kiyb noogus ishi xuusamə. (3 feredi)
- Kambi gexab yira footnta ishi maakamə. (1 feredi)
- Worqata ishi quxsu siviri bazhamə. (4 feredi)

Tamarsa kookns :

Daan nogn, saaya saya, maaka, bazhu sesa, ooxhaka bangarsaka, kaasu.

Aska tamarsa yirsis:

Há bata nognxnbab kardi, saaya, kaasuka shaaraka maxsaafi, yaabkn kumka absi kiyb seesukiyb siviri, fyaduxuxnbab noogus(shevi, qamxhu, inchu) ishikn kambiqa yaftukiyb iy siviris, ay yirsis, siviri worqata, s'uuta asta s'utuxukab, irsaasi, makini gooma, qamxhu.



Daan Nogn Saati

Há bata nognxnbab kardi - etsn qoy

Há bata nognxnbab ooxhaas

1. Siviri bata yirtə ítikn sexuki?
2. Siviri bata kabi woshknsh kiyb noogu kya? Yira bazhu kiy?
3. Siviri bata kaaskiybka zaabaka aas' bandiri finsukiyb daduskn beetnta naastə fata kiy?
4. Siviri bata íti seekiybey degn yira yeshnta yi hakimi iyta teekiy? Yira yi bazhukiy?



Saaya Saati

- Saaya maxsaafiqa fyaadi 18 bata “worqataka kastukab noogus bazha” gekab saaya ishikn saytə. Yiskn adiqə worqata quxsutə ishi utab siviri ishi bazhə geytə.



Kifirikn Butabaab Kaasu

- Kifirikn butabaab kaasu maxsaafiqa fyaadi 19 bata “shemaqa aatu kaasu” geb kaasu ishi kaas ishikn faad qozhnshə geytə.
- “Ishi utab kaasu” dadus ishi utab kaasu beertə ishi qoy ishi oynta dubdnka ishi kiy kaasə geytə.



Bazhu Sesa Saati

- **Bazhxnbaab 1:** Bazhu sesa maxsaafiqqa fyaadi 16 bata astab gonchi yirsisara koytnbey, shaadns, xsaans, ishi ge dubdus kaasə geytə.
- **Bazhxnbaab 2:** Bazhu sesa maxsaafiqqa fyaadi 25 bata kiyb gonchi tuuru, haay, xsyaaxsu bata ishi inchu as' u bezusə ge ishikn sesitə.
- **Bazhxnbaab 3:** Ishikn kambiqaka qoyns kambiqä kiyb noogus ishi keknsə geytə. Amsu: amsu timirti iy qoykn booqa kiybka qoysns timirti iykn booqa kiyb yira hakar kiynta ishi xuusə geytə.
- **Bazhxnbaab 4:** Bazhu sesa maxsaafiqqa fyaadi 26 bata kiyb gonchi há qoy qoyka kiyb yirsi íti ishikn atsn ishi kotnska vyatsnska naastə kookn anga aatanta ishi xuusə geytə.
- **Bazhxnbaab 5:** Bazhu sesa maxsaafiqqa fyaadi 19 bata kiyb gonchi gaba haasqa ishi tamarab noogu aabus ishi haaku maakə geytə.
- **Bazhxnbaab 6:** Bazhu sesa maxsaafiqqa fyaadi 27 bata kiyb gonchi noogu aabuska ishi noogu bazhu nabab sesə geytə.
- **Bazhxnbaab 7:** Bazhu sesa maxsaafiqqa fyaadi 28 bata kiyb gonchi ishi xuusab noogu aabuska shiqu shiqu noogu aatukiyb noogu gyaadu ishi xsaafu nababə geytə.



Siviri Bazha Xuusi Vyaza Saati

- Siviri bazha xuusi maxsaafiqqa fyaadi 16 bata kiyb gonchi worqata vyatsnska xyfsukab nooguka antə ishi worqatnsara quxsu xyafsu ishi utab noogu bazhu sesə geytə.
- Ishi wutab siviri ishi togaka bazhu sesə geytə.



Kifiriqabaab Kaasu

- Kifiriqabaab kaasu masaafiqqa fyaadi 15 bata kasha kiyb noogus ishi kyamsu bazhu seesə ge “dachabaab kooknta vyarsu kaasa” gekab kaasu ishi kaas qoy noogu kooknka kixnka xuusə geytə.

Shaara Saati

- Gaba haas timirtnska daan kyamukiyb shaara ishira sharusitə.

Gaba 18

Gaba Haas Timirtnsqa Kotukiyb Vyaza

Dadus timirtns haas ishi tamarabkn adiqə:-

- Ishikn kabi woshkustə ishikn faad gubka absibaab ishi qozhnsamə. (1 feredi)
- Ishikn kuc'u x'umx'artə farustə ishi ishikn kuc'u qozhnshə geytə. (3 feredi)
- Nooguska noogu gyaadu shiqu footab ishi xsAAFamə. (4 feredi)
- Yirsisknka kooknknka beetnta kiyb asta kyamara ishi kiyb ishi maakamə. (5 feredi)
- Kuuzh hā samta yamzu yaabara bazhukiyb ishi maakamə. (4 feredi)
- Kambi gexab yira footnta ishi maakamə. (4 feredi)
- Worqataka ishi utab noogu ishi bazhu sesamə. (4 feredi)

Tamarsa kookns:

Daan nogn, saaya saya, maaka, bazhu sesa, ooxhaka bangarsaka, kaasu.

Aska tamarsa yirsis:

Há bata nognxnbaab kardi, saaya, kaasuka shaaraka maxsaafi, yaabkn kumka absi kiyb seesukiyb siviri, fyaduxuxnbaab noogus(shevi, qamxhu, inchu) ishikn kambiqa yaftukiyb iy siviris, ay yirsis, siviri worqata, s'uuta asta s'utuxukab, irsaasi, makini gooma, qamxhu.



Daan Nogn Saati

Há bata nognxnbaab kardi – 5^{ta}baab etsn

Há bata noognxnbaab ooxhaas

1. Siviri bata kuc'u x'umx'artə barutə kuc'u qozha yeshnta bazhukiyb ítikn sexukiya? Naastə?
2. Siviri bata íti tamarab noogu aabuska xsafTAB sum kyaa? Íti nonka tə?
3. Awtobisknka taksiknka beetnta anga kookn aatnbaab naastə?



Saaya Saati

- Saaya maxsaafiqa fyaadi 11 bata kiyb gonchi s'uun ankiybka s'uun anara kiyb noogu geb saaya ishikn saytə ishikn kambiqä kiyb noogus ishi xuusə geytə.



Kifirikn Butabaab Kaasu

- Dadus goosuqa haay há qenta saaxiniqa qamxhu ishi xsotsu ishikn kuc'u ishi qozhnshə geytə.
- Ishikn kuc'ka ishikn as'uka woshknstə ishi booz gobu ubsu kaasu kaas ishikn kabi qozhnsə geytə. Amsu: s'uuz' gonchi, fyaanu gonchi, gorz'u gonchi ishi ubsu boozə geytə.
- “Ishi utab kaasu” dadus ishi utab kaasu beertə ishi qoy ishi oynta dubdnka kiy kaas ketabaab ishi xuusi angusə geytə.



Bazhu Sesa Saati

- **Bazhxnbaab 1:** Bazhu sesa maxsaafiqa fyaadi 27 bata kiyb gonchi ishi tamarab noogu aabuska ishi noogu bazhu gərika maakə geytə.
- **Bazhxnbaab 2:** Bazhu sesa maxsaafiqa fyaadi 28 bata ishi tamarab noogu aabuska ishi shiqu noogu gyaadu bazhu nababə geytə.

- **Bazhxnbaab 3:** Bazhu sesa maxsaafiqa fyaadi 29 bata kiyb gonchi há qoy qoyka kiyb yirsis kobkoba, goosu, kubaya antə haay, qamxhu, shexi asqa z'ars'utə ishi naastə anguxu kiynta ishi maakə geytə.
- **Bazhxnbaab 4:** Bazhu sesa maxsaafiqa fyaadi 30 bata kiyb gonchi shaadukiyb naas tənta ishi kekns xuussə geytə.
- **Bazhxnbaab 5:** Togaka haayka syaafab sfonja, xharqi x'uuputə ishi kaasə geytə.
- **Bazhxnbaab 6:** Dadus kifiriqaka kifrikn buta ishi səgab noogus ishi haaku maakə geytə.



Siviri Bazha Xuusi Vyaza Saati

- Siviri bazha xuusi maxsaafiqa fyaadi 17 bata kiyb gonchi kardi bata noogu aabus ishi quxsu kesu noogu bazhə geytə.
- Ishi baasab noogus siviri ishi bazhu kaasə geytə.



Kifiriqabaab Kaasu

- Kuuzhbaabka zhazhnsh yaabka bazha yira hakar kiynta diramaka ishi bazhu sesə geytə.
- Kifiriqabaab kaasu maxsaafiqa fyaadi 16 bata “kyamsu kaasu” geb kaasu ishi kaas ishi tamarab noogu aabka noogu bazhə geytə.



Shaara Saati

- Shaara maxsaafiqa fyaadi 21 bata “kayfm gonchi m̄ footamə” geb shaara ishi sharu ishi xuusi angusə geytə.

Gaba 19

Gaba Haas Timirtnsqa Kotukiyb Vyaza

Dadus timirtns haas ishi tamarabkn adiqqa:-

- Ishikn kuc'u ishi x'umx'ar baru ishikn kuc'u qozhnsh geytə. (1 feredi)
- Ishikn keri vytsnbeyka qyapqukbeyka ishi yirsi aatu qaysamə. (3 feredi)
- Noogus shiqu shiqu footabka ishi noogu gyaadu bazhu nababə geytə. (4 feredi)
- Qoy Kooknka hā aatukiyb kooknka ishi maakamə. (1 feredi)
- Qoy kookn shadaka bangara kookn ishi maakamə. (4 feredi)
- Kuuzhka yamxsuka aas hā bazhanta ishi maakamə. (2 feredi)
- Ax'u zhazha koota, ax'u diira umxa zahazhnshab uma atukiyb gaatsa ishi maakamə. (2 feredi)
- Kambi gexab yira footnta ishi maakamə. (4 feredi)
- Worqata ishi quxsu ishi utab siviri bazhamə. (2 feredi)
- Siviri bazha xuusi ishi vyazamə. (2 feredi)

Tamarsa kookns:

Daan nogn, saaya saya, maaka, bazhu sesa, ooxhaka bangarsaka, kaasu.

Aska tamarsa yirsis:

Há bata nognxbaab kardi, saaya, kaasuka shaaraka maxsaafi, yaabkn kumka absi kiyb seesukiyb siviri, fyaduxuxnbaab noogus(shevi, qamxhu, inchu) ishikn kambiqä yaftukiyb iy siviris, ay yirsis, siviri worqata, s'uuta asta s'utuxukab, irsaasi, makini gooma, qamxhu.



Daan Nogn Saati

Há bata nognxnbab kardi – 5^{ta}baab etsn

Há bata nognxnbab kardi

1. Siviri bata siviri bata íti seekiyb gonchi Keri vyatsnbeyka qyabqukiyberika yirsi aatu qaysa vyazukiyb naas wonka tə?
2. Məskidnsknka Betkirstanskna beetnta timirti iy data daanta kiyb naastə?
3. Íti seekiyb siviriskn beetnta anga zhaazh kiyb naastə? Yira yeshnta?
4. Íti seekiyb siviri bata kuc'u qozha yeshnta bazhxukiyyb naastə?
5. Siviri bata kiyb noogus sefeshtə noogu gyaadu bazhnbab ìti tə?
6. Siviri bata íti seekiybqa worqata qustn bazhxnbab naastə?



Saaya Saati

- Saaya maxsaafiqa fyaadi 19 bata “Bəxhika yi zhaazha kootaka” gekab saaya ishikn maakutə íti ishikn ax'u zhaazha ishi kootn yeshnta ishikn gatsnə.



Kifirikn Butabaab Kaasu

- Kifirikn butabaab kaasu maxsaafiqa fyaadi 20 bata “uushu atusa” gekaab kaasu ishi kaas uushu aas há yaab bazhnta maakə geytə.
- “Ishi utab kaasu” dadus ishi utab kaasu beertə ishi qoy ishi oynta dubdnka ishi kiy kaas ishi xuusi angusə geytə.



Bazhu Sesa Saati

- **Bazhxnbab 1:** Bazhu sesa maxsaafiqa fyaadi 27 bata kiyb gonchi ishi tamarab noogu aabuska ishi noogu bazhu nababə geytə.
- **Bazhxnbab 2:** Bazhu sesa maxsaafiqa fyaadi 28 bata kiyb gonchi ishi tamarab noogu aabuska ishi shiqu shiqu noogu gyaadu xsaafulu nababə geytə.

- **Bazhxnbaab 2:** Worqata, festari, kartoni ishi shootnka x'adu tukns ishikn kuc'u qozhnsh geytə.
- **Bazhxnbaab 3:** Bazhu sesa maxsaafiqqa fyaadi 31 kiyb gonchi kasha kiyb noogu ishi kyamsu há aatukiyb kookn aas tənta xuusə geytə.
- **Bazhxnbaab 4:** Yirsi kot kot ges ishi haaku zambiriqa baru ishikn keri vyatnsbeyka qubqukbeyka kesu qaysu kaasə geytə. Amsu, shexi aab, koosi, yis gonchibaab noogus
- **Bazhxnbaab 5:** Bazhu sesa maxsaafiqqa fyaadi 32 bata kiyb gonchi qoy kookn shaada, bangara kookn ishi maakə geytə.
- **Bazhxnbaab 6:** Ax'u zhaazha koota yeshnta ishi baabnonkakn ishi ooxhu ye ishi yartiskn maakə geytə.
- **Bazhxnbaab 7:** Bazhu sesa maxsaafiqqa fyaadi kiyb gonchi dadus ishikn kambiqa kiyb noogus ishi kay daababka yaab asara bazhab noogus ishi ge bes'kə geytə.



Siviri Bazha Xuusi Vyaza Saati

- Há qoy qoyka kiyb siviris ishi dadus dubdus kekns səgə geytə.
- Siviri aska bazhxukab yirskaa ishi baasab iyqabaab yirsis siviri ishi bazhə geytə.



Kifiriqabaab Kaasu

- Kifiriqabaab kaasu maxsaafiqqa fyaadi 17 bata “ń kambi ń angusə” gekab kaasu ishi kaas kambi yira footnta xuusə geytə.



Shaara Saati

- Shaara maxsaafiqqa fyaadi 22 bata “karbmsaab tamaarns” gekab shaara ishi sharə geytə.

Gaba 20

Gaba Haas Timirtnsqa Kotukiyb Vyaza

Dadus timirtns haas ishi tamarabkn adiqas:-

- Ishikn keri vyasnbeyleyka qyabqukbeyka ishi yirsisra gis'u qaysə geytə. (2 feredi)
- Yirsisara kuc'uka aatu baara ishi xuusamə. (2 feredi)
- Noogu gyaadu shiqu shiqu ishi xsaafu nababmə. (1 feredi)
- Ishikn aabka ishikn kuc'u woshknara ishi fikusamə. (3 feredi)
- Qoy kookn shaadaka bangara kooknka ishi maakamə. (1 feredi)
- Yirsisara ishi dubdus keknsamə. (4 feredi)
- Ax'u zhaazha koota, edqa wumx'a, zhazhnshab umxa uma yir gatsnanta ishi maakamə. (4 feredi)
- Kambi gexab yira footnta ishi maakamə. (2 feredi)
- Yaabusknka ishi kambika aas ishi kiynta ishi maakamə. (2 feredi)
- Sivirika kuc'u bazha ishi bazhu kaasmaə. (3 feredi)
- Shaaraka ayka ishi dacha ge sharu ayamə. (1 feredi)

Tamarsa kookns:

Daan nogn, saaya saya, maaka, bazhu sesa, ooxhaka bangarsaka, kaasu.

Aska tamarsa yirsis:

Há bata nognxnbab kardi, saaya, kaasuka shaaraka maxsaafi, yaabkn kumka absi kiyb seesukiyb siviri, fyaduxuxnbab noogus(shevi, qamxhu, inchu) ishikn kambiqä yaftukiyb iy siviris, ay yirsis, siviri worqata, s'uuta asta s'utuxukab, irsaasi, makini gooma, qamxhu.

Daan Nogn Saati

Há bata nognxnbaab kardi -Uc'utabaab etsn

Há bata nognxnbaab ooxhaas

1. Siviri bata dacha ge zaabaka aas'ab dadus ítikn sexukishi?
2. Siviri bata dadu qoy ishikn buta yi diirkiykə. Yira gatsna?



Saaya Saati

- Saaya maxsaafiqa fyaadi 19 bata dadus ushtibaab gabaqa “Bexhi umxa yi umkabta yir yi bazhukiyn” maakukiyb saaya ishi bangars maaku ishi gəri zhaazha koota xuusə geytə.



Kifirikn Butabaab Kaasu

- Kifirikn butabaab kaasu maxsaafiqa fyaadi 21 bata kiyb gonchi ishikn kuc'uka ishikn as'u adi ishi tuuru bata zetu sesu kaasə geytə.
- “Ishi utab kaasu” dadus ishi utab kaasu beertə ishi qoy ishi oynta dubdnka ishi kiy kaas ishi xuusira angusə geytə.



Bazhu Sesa Saati

- **Bazhxnbaab 1:** Bazhu sesa maxsaafiqa gaba 27 bata kiyb gonchi ishi tamarab noogu aabuska ishi noogu bazhu nababə geytə.
- **Bazhxnbaab 2:** Bazhu sesa maxsaafiqa fyaadi 28 bata kiyb gonchi ishi tamarab noogu aabuska ishi shiqu shiqu noogu gyaadu bazhu nababə geytə.
- **Bazhxnbaab 3:** Qamxhu hakarab yaysab noogus ishikn atsutə íti gen ishi ishikn kerika haaku qaysu kaasə.
- **Bazhxnbaab 4:** Bazhu sesa maxsaafiqa fyaadi 32 bata astab gonchi ishikn kifiriqa kiyb noogusara asta ishi kiyb kookn shadn, daanta, ushta hayqa ge maakə geytə.

- **Bazhxnbaab 5:** Dadus ishi kambi aas há kiynta ishi xuusn yeshnta kambiqä kaari ishira kob booztæ; haay, xuum, inchus yis gonchibaab noogus íti ishikn sesn ishi se ye ishi yartiskn maakä geytæ.
- **Bazhxnbaab 6:** Daduskn irsaasika worqata baabmsab íti atsn ishi shaan harxhush kaas ishikn kuc'ura qozhnshæ geytæ.
- **Bazhxnbaab 7:** Bazhu sesa maxsaafiqa fyaadi 34 bata kiyb gonchi ishikn kifiriqa kiyb noogusara insukiyb, insarakiyb, anga insukiyb getæ ishi bes'ku xuusæ geytæ.



Siviri Bazha Xuusi Vyaza Saati

Haatuka há qenta mæqæsika worqata bata kiyb siviri ishi tiitu quxsu kesu kaasæ geytæ.



Kifiriqabaab Kaasu

- Kifiriqabaab kaasu maxsaafiqa fyaadi 18 bata “Yaab asara bazhab” geb kaasu ishi kaas ishi kambira xuusæ gyetæ.



Shaara Saati

- Shaara maxsaafiqa fyaadi 15 bata “Ń zhaazha ń kootæ” geb shaara ishi sharu ishikn ax'u zhaazha koota xuusæ geytæ.
- Dadus ishi xuuskiyb shaara há qenta ay kiynta ishi sharu sesæ gyetæ.

6^{ta}baab Etsn Timirti



Gaba 21

Gaba Haas Timirtnsqa Kotukiyb Vyaza

Dadus timirtns haas ishi tamarabkn adiqa:-

- Yirsira ishikn kuc'uka aatu bara ishi xuusamə. (5 feredi)
- Aabknka kuc'ukn kyama ishi fikusamə. (4 feredi)
- Yirsisara ishi kekns vyaamə. (4 feredi)
- Ax'u diira, edqa umx'a, zhazhnshab umxa uma yira gatsnanta ishi xuus maakamə. (2 feredi)
- Higika dəbmika ishi kootu takaqa ishira aas ishi kootanta xuusamə. (2 feredi)
- Yaabuska ishi kambika kixn ishi maakamə. (4 feredi)
- Shaaraka ayka ishi sharu ay sesamə. (4 feredi)

Tamarsa kookns:

Daan nogn, saaya saya, maaka, bazhu sesa, ooxhaka bangarsaka, kaasu.

Aska tamarsa yirsis:

Há bata nognxnbab kardi, saaya, kaasuka shaaraka maxsaafi, yaabkn kumka absi kiyb seesukiyb siviri, fyaduxuxnbab noogus(shevi, qamxhu, inchu) ishikn kambiqa yaftukiyb iy siviris, ay yirsis, siviri worqata, s'uuta asta s'utuxukab, irsaasi, makini gooma, qamxhu.



Daan Nogn Saati

Há bata nognxnbab kardi – Yakutabaab etsn

Há bata nognxnbab ooxha

1. Siviri bata yirka yirka íti seekiy?
2. Sivir bata kiybey degn yira yi bazhukiy?
3. Siviri bata íti seekiyb nuuxuskn beetnta yaab bata taka sasknbaab naastə?
4. Siviri bata makinikn saanta kiyb dadus bata yirban taka te sakam íti ge aruki?



Saaya Saati

- Saaya maxsaafiqa 4 bata “xaagnbaab uutns” geb saaya ishikn íti bangars sayn ishi katamaka gəxərka fikus xuusə geytə.
- Saaya maxsaafiqa fyaadi 20 bata “Serkə eezas” gekab saaya íti ishikn sayn ishi asqa keesab ooxha bangarsə geytə. Askn xhornta astab zeeru ishira zeeritə.



Kifirikn Butabaab Kaasu

- Kifirikn butabaab kaasu maxsaafiq a fyaadi 22 bata “qaaxhab kaasu” gekab kaasu ishi kaasu ishikn aabka kuc’uka kyama qozhnshə geytə.
- Kifirikn butabaab kaasu fyaadi 23 bata taka yeshta maakukiyb kaasu ishi kaas taka ishi bata sakara qen yeshta ishira ishi kootnbaab kookns ishi maakə geytə.
- “Ishi utab kaasu” Dadus ishi utab kaasu beertə ishi qoy ishi oynta dubdnka ishi kiy kaasə geytə.



Bazhu Sesa Saati

- **Bazhxnbaab 1:** Bazhu sesa maxsaafiq a fyaadi 35 bata kiyb gonchi qamxhuka, togaka, inchuka ishi baasab siviri bazhutə ishi ishikn kuc’u qozhnshə geytə.
- **Bazhxnbaab 2:** Daduskn worqata bata masmara zhaga kiyb bazhu atsutə íti gen ishi masmarnsara kootu dacha ge quxsu ishikn aabka ishikn kuc’u kyamara sesə geytə.
- **Bazhxnbaab 3:** Daduskn íti gen ishi sheema ziifi isaka byahaka, xhaama xsyaaxska wus’kaka yis gonchi baab bazhutə ishi ishikn aabka ishikn kuc’u kyamara angusə geytə.
- **Bazhxnbaab 4:** Bazhu sesa maxsaafiq a fyaadi 36 bata kiyb gonchi qoqara, toora, xsooxsns, vyatsns, kotns ishi ge bangars keknsə geytə.
- **Bazhxnbaab 5:** Ax’u diirkabka aas há ax’u dirxanta daduskn seesutə as gonchi ishikn kerika diirkas gonchi antə ishi sesə geytə.
- **Bazhxnbaab 6:** Higika dəmbika kootutə ishi gərika qoysnsab yaabus takara qen yeshta aas ishi bazhanta ishi baabnonka data ooxhutə ishi ye kifiriqa ishi yaabuskn maakə geytə.



Siviri Bazha Xuusi Vyaza Saati

- Dadus ishi utab kifiriqa kiyb noogus siviri bazhutə ishi kifiriqa ishi yaabuskn sesə geytə.



Kifiriqabaab Kaasu

- Dadus dubdnka kiytə ishi tirafiki folisi gonchi footu kaasə geytə.



Shaara Saati

- Dadus ishi xuuskiyb shaara há qenta ay ishi sharu ayə geytə.
- Shaara maxsaafiqa fyaadi 19 bata “xuusakay kya há samə“gekab shaaara ishira sharusitə.

Gaba 22

Gaba Haas Timirtnsqä Kotukiyb Vyaza

Dadus timirtns haas ishi tamarabkn adiqə:-

- Keri qozha ishi sesamə. (5 feredi)
- Aabka kuc'ukaa kyama ishi fikusamə. (3 feredi)
- Noogu aab, noogu, noogu gyaadu ishi xsAAFAMƏ. (1 feredi)
- Yirsisara ishi keknsamə. (2 feredi)
- Yirsis asta kiyb kookn ishi yaafamə. (2 feredi)
- Higika dəmbika kootutə ishi gərika qoysns yaabus takara qen yeshtə ishi kootnbaab kookn ishi maakamə. (4 feredi)
- Ishi kambi aas ishi kootanta ishi xuusamə. (4 feredi)
- Shaaraska ayka ishi sharu ayamə. (4 feredi)

Tamarsa kookns:

Daan nogn, saaya saya, maaka, bazhu sesa, ooxhaka bangarsaka, kaasu.

Aska tamarsa yirsis:

Há bata nognxnbab kardi, saaya, kaasuka shaaraka maxsaafi, yaabkn kumka absi kiyb seesukiyb siviri, fyaduxuxnbab noogus(shevi, qamxhu, inchu) ishikn kambiqə yaftukiyb iy siviris, ay yirsis, siviri worqata, s'uuta asta s'utuxukab, irsaasi, makini gooma, qamxhu.



Daan Nogn Saati

Há bata nognxnbaab kardi – Yakutabaab etsn

Há bata nognxnbaab saati

1. Siviriqa sexukiyb xärpezi bata anxbab yirsis yirka yirka tə?
2. Siviqa íti seekiyb kambi zhazhnsh atuxukis há ítikn hakar kiy? Yira yeshnta? Íti kambi zhaazhn yeshnta yira íti bazhnbaab te basuskiy?
3. Siviriqa íti seekiyb daduskn saanta, shooshta, kagata, vyaznta yirtə sexukiyl?



Saaya Saati

- Saaya maxsaafiqa fyaadi 21 bata “Zayrnka yi bazha yaabuska saaya” gekab saaya ishikn íti sayn ishi asqa kesab ooxha bangarsə. Askn xhornta astab zeeru ishira zeeritə.



Kifirikn Butabaab Kaasu

- Kifirikn butabaab kaasu maxsaafiqa fyaadi 19 bata “sheemaqa aatu” kaasu ishi kaas ishi xuusi angusə geytə.
- “Ishi utab kaasu” dadus ishi utab kaasu beertə ishi qoy ishi oynta dubdnka ishi kiy kaas ishi xuusi angusə geytə.



Bazhu Sesa Saati

- **Bazhxnbaab 1:** Há qoy qoyka kiyb masamara zhaga kiyb, qingar kiyb, ishi bazhu ishikn kuc’uka ishikn aab kyama fikusə geytə.
- **Bazhxnbaab 2:** Bazhu sesa 37 bata kiyb gonchi gaba haasqa ishi tamarab noogu aabuska ishi nooguka shiqu shiqu footab noogu gyaadu xsaafu nababə geytə.
- **Bazhxnbaab 3:** Bazhu sesa maxsaafiqa fyaadi 30 bata kiyb gonchi timirti iyqa kiyb há qenta buta kiyb yirsis ishikn atstə shadns, shiqns, anga shadns, anga shiqns ishi ge bangarsə geytə.

- **Bazhxnbaab 4:** Bazhu sesa maxsaafiqa fyaadi 38 bata kiyb gonchi yirsisara asta ishi kiyb kagata, vyaznta, saanta, shooshta ishi ge bangarsə geytə.
- **Bazhxnbaab 5:** Bazhu sesa maxsaafiqa fyaadi 39 bata kiyb gonchi tirafiki mirkitika faara eshi ishi sakanta ishi kkotnbaab noogus ishikn maakutə ishi xuusə geytə.



Siviri Bazha Xuusi Vyaza Saati

- Dadus kifirikn buta kaari kiyb noogus siviri ishi bazhu ishi yartiskn seesə geytə.



Kifiriqabaab Kaasu

- Kifiriqabaab kaasu maxsaafiqa fyaadi 19 bata “tuuru aas yi ge” gekab kaasu ishi kaas kambi koota xuusə geytə.
- Kifirqabaab kaasu fyaadi 20 bata “ñ sumqa kiyb noogu aabus” gekab kaasu ishi kaasishi sumqaka qoysnsab dadus sumqa kiyb noogu aabus xuusə geytə.



Shaara Saati

- Dadus ishikn kambiqa sharxu kiyb shaara há qenta ay ishi fiku xuus ye sharu ayə geytə.
- Shaara maxsaafiqa fyaadi 15 bata “Ń zhaazha ń kootə” gekab shaara ishi shaarə gyetə.
- Shaara maxsaafiqa astab shaaras ishi bangars bangars sharə geytə.

Gaba 23

Gaba Haas Timirtnsqa Kotukiyb Vyaza

Dadus timirtns haas ishi tamarabkn adiqa:-

- Keri woshkusha ishi vyazamə. (2 feredi)
- Kaasuka ishikn kuc'uka ishi aabka daan kyamukiybara ishi angusamə. (3 feredi)
- Noogu aabus, noogus, noogu gyaadus ishi xsaafulu vyazamə. (4 feredi)
- Yirsis asta bangar kiyb kookn ishi xuusamə. (3 feredi)
- Yirsis asta kiybara qoysnsabka daana ishi kekns maakamə. (2 feredi)
- Faara higika dəmbikaa ishi kootu ishi gərika qoysnsab yaabus aas ishi ishira kootanta ishi maakamə. (4 feredi)
- Kambira aas ñ kootanta ishi maakamə. (4 feredi)
- Shaarasara há qenta ayara dacha ishi ge sharu ayamə. (3 feredi)

Tamarsa kookns:

Daan nogn, saaya saya, maaka, bazhu sesa, ooxhaka bangarsaka, kaasu.

Aska tamarsa yirsis:

Há bata nognxnbaab kardi, saaya, kaasuka shaaraka maxsaafi, yaabkn kumka absi kiyb seesukiyb siviri, fyaduxnbaab noogus(shevi, qamxhu, inchu) ishikn kambiqa yaftukiyb iy siviris, ay yirsis, siviri worqata, s'uuta asta s'utuxukab, irsaasi, makini gooma, qamxhu.



Daan Nogn Saati

Há bata nognxnbab kardi – Yakutabaab etsn

Há bata nognxnbab ooxhaas

1. Siviri bata íti seekiyabara fataka booqaka ge bes'kiytə.
2. Siviri bata íti seekiyabara saantaka shooshtaka ge bes'kiytə.
3. Siviriqa noogu aab naastə ítikn sexuki? Noogu aabus yiska gaduxu xsuftukiyb noogu íti xuusa? Xsaafu sesnbaab íti tə?



Saaya Saati

- Saaya maxsaafiqa fyaadi 22 bata “Kayrknka yi yartiska” inchusara aas ishi kootukiyyta maaku kiyb saaya ishikn saytə asqa kesab ooxha ishi bangarsə geytə. Askn xhornta astab zeeru ishira zeeritə.
- Dadus ishi gəri ishira takaqa kootn yeshtaka kambira aas ishi kootanta tamarsnbaab saaya íti ishikn sayn ishi siis kambi koota xuusə geytə. Askn xhornta kiybzeeru ishira zeeritə.



Kifirikn Butabaab Kaasu

- Kifirikn butabaab kaasu maxsaafiqa fyaadi 22 bata “Qaaxhab kaasu” kaasu gekabara ishi kaas ishikn kuc’uka ishikn aab kayamara fikusə gyetə.
- Kifiriqabaab kaasu maxsaafiqa fyaadu 24 bata “faara bara” gekab kaasu ishi kaas faarata kotnbaab tirafiki higika dəmbika kootə geytə.
- Kifirikn butabaab kaasu maxsaafiqa fyaadi 25 bata “tuuru shenchukab” gekab kaasu ishi kaas kambi koota xuusə geytə.
- “Ishi utab kaasu” dadus ishi utab kaasu ishi beer ishi qoy ishi oynta dubdnka kiy kaas ishi xuusi angusə geytə.



Bazhu Sesa Saati

- **Bazhxnbaab 1:** Bazhu sesa maxsaafiqqa fyaadi 37 bata kiyb gonchi noogu aabus ishi tamarb noogu aabuska nooguska noogu gyaadu ishi xsaafu nababə geytə.
- **Bazhxnbaab 2:** Bazhu sesa maxsaafiqqa fyaadi 40 bata kiyb gonchi yaab bata taka sasku kiyb nuuxusara aas ishi zifmanta ishikn gatsnitə.
- **Bazhxnbaab 3:** Maara ishi suku bata fuutu ishikn kuc'uka ishikn aabka kyamukiyb footabara xuusə geytə.
- **Bazhxnbaab 4:** Bazhu sesa maxsaafiqqa fyaadi 42 bata kiyb gonchi qorqata ishi quxsu kyamsu kaasə geytə.
- **Bazhxnbaab 5:** Bazhu sesa maxsaafiqqa fyaadi 43 bata kiyb gonchi kifiriqa kiyb yirsis ishi fikus wogus keknsə geytə.



Siviri Bazha Xuusi Vyaza Saati

- Siviri bazhukab yirsis íti ishikn atan ishi dadus iyta ishi kiy yeeekabta ishi seefeshab noogus tirafiki mirkiti, faara eshi sakukiyb yaab siviri ishi vyazab gonchi bazhə geytə.



Kifiriqabaab Kaasu

- Kifiriqabaab kaasu maxsaafiqqa fyaadi 21 bata “keri kaasu” kaastə ishi ziifi, shema qurfi byahu isu kaas ishikn kuc'uka ishikn aabka kyamara xuusə geytə.



Shaara Saati

- Shaara mxsaafiqqa ishi sharuqeb shaara ishi bangars ishi qoy há samta dubdnka kiy sharə geytə.
- Shaara maxsaafiqqa fyaadi 22 bata “karbmsab tamaarns” gekab shaara ishi sharu tirafifki higi aru xuusə geytə.
- Shaara maxsaafiqqa fyaadu 21 “kayfm gonchi m̄ footamə” gekab shaara ishi sharu yirsis asta kiyb kookn xuusə gyetə.

Gaba 24

Gaba Haas Timirtnsqa Kotukiyb Vyaza

Dadus timirtns haas ishi tamarabkn adiqqa:-

- Kaasuka ishikn aabka ishikn kuc'uka kyamara ishi xuusamə. (4 feredi)
- Səgaka xuusaka kyama ishi xuusamə. (1 feredi)
- Noogu aab, noogu, noogu gyaadu ishi xsAAFAMƏ. (4 feredi)
- Yirsis asta kiyb kookn ishi xuus maakamə. (3 feredi)
- Zerknqa bazhxab noogus ishi haaku maakamə. (2 feredi)
- Tirafiki higika dəmbika higika ishi kootu ishira kootnbaab kookns ishi haaku maakamə. (2 feredi)
- Zhazhnshab kyamaka zhazhnsh footara kiyb kayama koygnbaab gaydu ishi xuusamə. (2 feredi)
- Kambira aas ishi kootanta ishi maakamə. (2 feredi)
- Ishikn kambiqa kiyb yaab bata gaydu saskukiyb noogus ishi xuusamə. (2 feredi)
- Shaaraka ayka ishi dacha ge sharu ayamə. (1 feredi)
- Ay ishi dacha ge ayamə. (2 feredi)

Tamarsa kookns:

Daan nogn, saaya saya, maaka, bazhu sesa, ooxhaka bangarsaka, kaasu.

Aska tamarsa yirsis:

Há bata nognxnbab kardi, saaya, kaasuka shaaraka maxsaafi, yaabkn kumka absi kiyb seesukiyb siviri, fyaduxuxnbab noogus(shevi, qamxhu, inchu) ishikn kambiqa yaftukiyb iy siviris, ay yirsis, siviri worqata, s'uuta asta s'utuxukab, irsaasi, makini gooma, qamxhu.



Daan Nogn Saati

Há bata nognxnbaab kardi – Yakutabaab etsn

Há bata nognxnbaab ooxhaas

1. Siviri bata noogu aabus naastə sexukiyl?
2. Siviri bata noogu aab “a” ka es’kuxukiyb noogu iti tə maaka?
3. Siviri bata bata yirka yirka bazha te bazhxukiy?



Saaya Saati

- Saaya maxsaafiqqa fyaadi 23 bata “nyagnsaab timirti iyta ishi teekabta” geb shaara iti ishikn sayan ishi dadus sadnta kiy gyaamu sakabqa ishi bazhab bazhara ishi bes’ku xuusə gyetə.
- Dadus basusara kiyb kyamaqa ishira kootn yeshnta maakukiyb saaya fikus ishikn saytə.



Kifirikn Butabaab Kaasu

- Kifirikn butabaab kaasu maxsaafiqqa fyaadi 26 bata “xhirnsab, budahakarab, submsab korenti” gekab kaasu ishi kaas faaratabaab higika dəmbika xuusn yeshnta anitə.
- Kifirikn butabaab kaasu maxsaafiqqa fyaadi 27 bata “nàng keri adiqä ishi yeekə” gekab kaasu ishi kaas vyazntaka kagata bangarab xuusə gytə.
- Kifirikn butabaab maxsaafiqqa fyaadi 18 bata “kosi atsa” gekab kaasu ishi kaas ishikn kuc’uka ishikn aab kyamara xuusə geytə.
- Kifirikn butabaab kaasu maxsaafiqqa fyaadi 9 bata “ena, səngno há sammta maksəngno” gekab kaasu ishi kaas ishikn kuc’uka ishikn aab kyamara fikusə geytə.
- Kambiqa kiyb yaab bata taka saskukiyb noogus amsu:- yaab quxsukiyb noogus, korenti, suutnsab noogus ishira takusara qen yeshnta ishi diramaka bazhu seesamə.
- “Ishi utab kaasu” dadus ishi utab kaasu beertə ishi qoy ishi oynta dubdnka ishi kiy kaas ishi xuusi angusə geytə.



Bazhu Sesa Saati

- **Bazhxnbaab 1:** Bazhu sesa maxsaafiqa fyaadi 37 bata kiyb gonchi gaba haasqa ishi tamarab noogu aabuska ishi nooguka noogu gyaadu bazhu nababə geytə.
- **Bazhxnbaab 2:** Bazhu sesa maxsaafiqa fyaadi 41 bata kiyb gonchi taamuqa, korəntika haay teerabqa aas ishi ishira kootanta ishikn gatsnitə.
- **Bazhxnbaab 3:** Bazhu sesa maxsaafiqa fyaadi 43 bata kiyb gonchi siviri ishikn ətsutə há bata kiyb noogus asta bangar kiybara ishi maakə geytə.
- **Bazhxnbaab 4:** bazhu sesa maxsaafiqa fyaadi 44 bata kiyb gonchi qoy footab nooguska kyamara kiyb xaagn noogus keknstə ishi maakə geytə.
- **Bazhxnbaab 5:** dadus ishi kifirika ishi timirti iy ishi diir zhaashu aatnbaab kookn ishi maakiytə.



Siviri Bazha Xuusi Vyaza Saati

- Saati siviri bazhutə ishi há bata kaari booxu sesə geytə.



Kifiriqabaab Kaasu

- Kifiriqabaab kaasu maxsaafiqa fyaadi 22 bata “kesn kookn baas” gekab kaasu ishi irsaasika xsaafu booxu masmara bazhu masmarnsara kootu tiitu dacha tiita xuusira angusə geytə.



Shaara Saati

- Shaara ishikn byahutə dadus sharns bata woshknə geytə.
- Zerknara maakukiyb shaara “Amsu:- zhaazha íti haay” gekab shaara ishi sharə geytə.

7^{ta}baab Etsn Timirti



Gaba 25

Gaba Haas Timirtnsqa Kotukiyb Vyaza

Dadus timirtns haas ishi tamarabkn adiqa:-

- Səgaka xuusaka ishi angusamə. (5 feredi)
- Noogu aabus, noogus, noogu gyaadus ishi xsAAFAMƏ.
- Ishika kyamaab noogus ishi maakamə. (1 feredi)
- Zerknqa bazhxab noogus ishi haaku maakamə. (4 feredi)
- Zhazhnshabka zhazhnsh footara kiyb kyama koy kiyb noogus ishi xuusamə. (3 feredi)
- Kambiqa kiyb yaab bata taka saskuiyb noogu ishi xuusamə. (5 feredi)
- Shaaraka ayka ishi sharu ay xuusamə. (4 feredi)

Tamarsa kookns:

Daan nogn, saaya saya, maaka, bazhu sesa, ooxhaka bangarsaka, kaasu.

Aska tamarsa yirsis:

Há bata nognxnbab kardi, saaya, kaasuka shaaraka maxsaafi, yaabkn kumka absi kiyb seesukiyb siviri, fyaduxuxnbab noogus(shevi, qamxhu, inchu) ishikn kambiqa yaftukiyb iy siviris, ay yirsis, siviri worqata, s'uuta asta s'utuxukab, irsaasi, makini gooma, qamxhu.



Daan Nogn Saati

Há bata nognxnbab kardi – Tubsutabaab etsn

Há bata nognxnbab ooxhaas

1. Siviri bata yirka yirka tə ítikn sexukiy?
2. Siviri bata noogu aabus naastə ítikn sexukiy?
3. Siviri bata fyaadi naaska naaska tə ítikn sexukiy?
4. Siviri bata “d” ka es’kuxukiyb noogus naastə? Es’kitə.
5. Siviri bata sexukiybkn beetnta hay gatsu íti xuuskiyb noogu naastə?
6. Siviri bata zerknqa zerknqa bazhxukiyb noogu ítikn sexukiya?
7. Siviriqa yaab bata gaydu saskukiyb bazha naastə?



Saaya Saati

- Saaya maxsaafiqä fyaadi 24 bata “m̄ bey zeeru” geb saaya íti ishikn sayn ishi asqa keesab ooxha bangarsə geytə. Askn xhornta kiyb zeeru ishira zeeritə.



Kifirikn Butabaab Kaasu

- Kifirikn butabaab kaasu fyaadi 25 bata kambi shenchukiib gekiyb kaasu ishi kaas yaab bata gaydu koykiyb noogus xuusə geytə.
- “Ishi utab kaasu” dadus ishi utab kaasu beerta ishi qoy ishi oynta dubdnka ishi kiy kaas ishi xuusira angusə geytə.



Bazhu Sesa Saati

- **Bazhxnbaab 1:** Bazhu sesa maxsaafiqqa fyaadi 37 bata kiyb gonchi ishi tamarab noogu aabuska nooguka noogu gyaadu ishi bazhə geytə.
- **Bazhxnbaab 3:** Adi sesukab toka (.), ooxha (?), qurs'a (,) ishi xuus ishi gaatara xuusn yeshnta sivirika ishikn seesitə.
- **Bazhxnbaab 4:** Dadus zerknqa ishika kyamab noogusara ishi yartiskn ishi maakn yeshnta íti ishikn gatsu maaku sesitə.
- **Bazhxnbaab 5:** Dadusara ishikn kambiqabaab ishi xuusn yeshnta makini faarata kaasara ishi qembaab, kibritika kaasara ishi qembaab, korənti aatara ishi qembaab, kasu asta kiybta kaasara ishiqembaab íti tamarsn ishi xuus ishira kootə.
- **Bazhxnbaab 6:** Bazhu sesa mxsaafiqqa fyaadi 45 bata kiyb gonchi sadnta, gyaamu, z'aakn ishi ge zerknkn booqa noogus maakə geytə.



Siviri Bazha Xuusi Vyaza Saati

- Sivirika noogu aabka ishi xsAAFABKN adiqä ishi quxsu bangars nyagə geytə.



Kifiriqabaab Kaasu

- Yaab bata taka sasku kiyb noogu makini faarata kaasa, korenti bata aata, kashu asta kiybta kaasa yaab bata saskukiib ishi diramaka bazhu sesə geytə.
- Kifiriqabaab kaasu maxsaafiqqa fyaadi 23 bata noogu aabus kyamsa kaasu kaastə ishi noogu aabka noogu gyaaduka bazhu kaasə geytə.

Shaara Saati

- Zaara zaarska ay íti ishikn byahn ishi há bata ay kaasə geytə.
- Bastara kiyb kyamaqa ishira ishi kootn yeshnta tamarskiyb saaya íti ishikn sayn ishi zhaazha kixn kiyə geytə.

Gaba 26

Gaba Haas Timirtnsqä Kotukiyb Vyaza

Dadus timirtns haas ishi tamarabkn adiqə:-

- Səgaka xuusaka ishi vyazamə. (1 feredi)
- Umxa zaaras ishi bes'ku xuusamə. (4 feredi)
- Ishika kyamab noogus ishi maakamə. (4 feredi)
- Zerknqa bazhxukiyb bazhaas ishi haaku maakamə. (4 feredi)
- Basusara kiyb kyamaka há gaatsaka ishi maakamə. (1 feredi)
- Taka ishi bata sakara qen yeshnta ishira ishi kootnbaab xuusi ishi angusamə. (2 feredi)
- Kambiqa kiyb yaab bata taka sasku kiybqa ishira ishi kootamə. (5 feredi)
- Ayka shaaraka ishi xuus sharu ayamə. (2 feredi)

Tamarsa kookns:

Daan nogn, saaya saya, maaka, bazhu sesa, ooxhaka bangarsaka, kaasu.

Aska tamarsa yirsis:

Há bata nognxnbab kardi, saaya, kaasuka shaaraka maxsaafi, yaabkn kumka absi kiyb seesukiyb siviri, fyaduxuxnbab noogus(shevi, qamxhu, inchu) ishikn kambiqa yaftukiyb iy siviris, ay yirsis, siviri worqata, s'uuta asta s'utuxukab, irsaasi, makini gooma, qamxhu.



Daan Nogn Saati

Há bata nognxnbaab kardi – Tubsutabaab etsn

Há bata nognxnbaab ooxhaas

1. Siviriqa orate as'tu umxukab umxa ítikn sexukiya? Yirka yirka tə? Náng orata yirka yirka n̄ as'nbaab n̄ vyaza?
2. Siviri bata sexukiyb iyqabaab ekis data yirka yirka n̄ yaafa?
3. Siviri bata gaydu yaab bata koykiyb noogus yirka yirka tə? Aas ishi bazhu yaab bata gaydu saska? Aas n̄ ge nátara koota?



Saaya Saati

- Saaya maxsaafiqqa fyaadu 25 “orata as'tu umxukab umxa” gekab saaya íti ishikn sayn ishi siis saaynsqa keesab ooxha bangarsə geytə.
- Saaya mxsaafiqqa fyaadi 21 bata kiyb kyama gekab saaya íti ishikn sayn ishi siis asqa keesab ooxha bangarsə geytə.



Kifirikn Butabaab Kaasu

- Kifirikn butabaab kaasu maxsaafiqqa fyaadi 28 bata “Hapm?” kaasu ishi kaas basuskiybka basusara kiyb umxas xuusə geytə.
- “Ishi utab kaasu” dadus ishi utab kaasu beertə ishi qoy ishi oynta dubdnka ishi kaas ishi xuusi angusə geytə.



Bazhu Sesa Saati

- **Bazhxnbaab 1:** Bazhu sesa maxsaafiqa fyaadi 46 bata kiyb gonchi dadus ishikn iytə, ishikn kambiqa, timirti iytə gonaka maka ishika kyamab noogus ishi maakə geytə.
- **Bazhxnbaab 2:** Zerkn zerknqa ishi bazhab bazha bata ishi dubdnka kiy nognə geytə. Amsu sadnta umxa ishi umabkn adiqa, z'aaknbaab umxa ishi umabkn adiqa, timirti iytə ishi kiy bangarabta, gyamubaab umxa ishi umabkn adiqa yira ishi bazhnta ishi maaku há bata nognə geytə.



Siviri Bazha Xuusi Vyaza Saati

- Dadus timirti iytə ishikn zhaazhab noogu yira təntə ishi siviri bazhu sesə geytə.



Kifiriqabaab Kaasu

- Kifiriqabaab kaasu maxsaafiqa fyaadi 24 bata “askn aab umxukiyb umxas wos’karn” geb kaasu ishi dadus kaas umxa basuskiyb footab xuusə geytə.
- Tirafiki folisi gonchi ishi footu bazhu sesə geytə.



Shaara Saati

- Há qoy qoyka kiyb shaara ishikn byahutə íti barn ishi dadus ayns bata ay sesə geytə.
- Saaya maxsaafiqa fyaadi 23 bata “hoya hoyə” gekab shaara ishi sharu ayka ay yirsika xuusə geytə.
- Saaya maxsaafiqa fyaadi 24 bata qarnsab bengi sakukabta ayxukab ay ishi ay ayka ay yirsis xuusə geytə.
- Ay íti barn ishi siis ayka ay yirsiska xuusə geytə.

Gaba 27

Gaba Haas Timirtnsqa Kotukiyb Vyaza

Dadus timirtns haas ishi tamarabkn adiqqa:-

- Umxukiyb umxas ishi bes'ku xuusamə. (3 feredi)
- Umxa yaabkn atsukiyb gaatsa ishi maakamə. (2 feredi)
- Ishika kyamab noogus ishi maakamə. (3 feredi)
- Saayas ishi maakamə. (2 feredi)
- Gaba qoykn booqa kiyb zerknsqa etsns ishi haaku maakamə. (4 feredi)
- Taka ishi bata sakara qen yehsnta ishira ishi kootnbaab kookns ishi xuusamə. (3 feredi)
- Ishikn kambiqä kiyb yaab bata taka saskukiyb noogusqa ishira ishi kootamə. (4 feredi)
- Shaaraka ayka ishi xuusamə. (1 feredi)
- Ishi bazhu vyaznbaab noogus ishi bazhu sesamə. (3 feredi)

Tamarsa kookns:

Daan nogn, saaya saya, maaka, bazhu sesa, ooxhaka bangarsaka, kaasu.

Aska tamarsa yirsis:

Há bata nognxnbab kardi, saaya, kaasuka shaaraka maxsaafi, yaabkn kumka absi kiyb seesukiyb siviri, fyaduxuxnbab noogus(shevi, qamxhu, inchu) ishikn kambiqä yaftukiyb iy siviris, ay yirsis, siviri worqata, s'uuta asta s'utuxukab, irsaasi, makini gooma, qamxhu.



Daan Nogn Saati

Há bata nognxnbab kardi – Tubsutabaab etsn

Há bata nognxnbab ooxhaas

1. Siviri bata íti seekiyb umxa yirkna yirknka há gatnkiy?
2. Siviri bata ítikn kambiqa kiybka daan kyamukiyb noogu ítikn sexukiya?
3. Siviri bata íti seekiyb fyaadi gaba qoykn booqa kiyb zerkn sesukiyb naastə? Zerkns sumara maakitə.
4. Siviri bata íti sekiybqa yaab bata taka sasknbaab naastə? Aas n̄ bazhu asqa nátara koota?
5. Siviri bata íti seekiybqa há siviri íti vyazu bazhnbaab kyaaa? Aas íti bazhu bazhanta maakitə.



Saaya Saati

- Saaya maxsaafiqa fyaadi 26 bata “Yekn gyaxas kiynta saku gyavə” gekab saaya íti ishikn sayn ishi asqa keesab ooxha bangarsə. Askn xhornta astab zeeru ishira zeeritə.
- Dadus xuuskiyb saaya ishikn say gadutə íti gen ishi sharu xhorshə.



Kifirikn Butabaab Kaasu

- Kifirikn butabaab kaasu maxsaafiqa fyaadi 23 bata “Taka m̄ bata sakara qen yeshtta taaba” gekab kaasu ishi kaas takaqa ishira kootə geytə.
- Kifirikn butabaab kaasu maxsaafiqa fyaadi 9 bata gabakn boqa kiyb zerkns “ena há samta səngno maksəngno” gekab kaasu ishi kaas zerknsara xuusə geytə.
- “Ishi utab kaasu” dadus ishi utab kaasu beertə ishi qoy há qenta dubdnka kiytə ishi kaasə geytə.



Bazhu Sesa Saati

- **Bazhxnbaab 1:** Bazhu sesa maxsaafiq fyaadi 47 bata kiyb gonchi gaba qoykn booqa kiyb zerkns ishi haaku saantaka shooshtaka kootu maakə geytə.
- **Bazhxnbaab 2:** Bazhu sesa maxsaafiq fyaadi 48 bata astab gonchi orata as'tu umxukab umxas ishi as'u kaas sesə geytə.
- **Bazhxnbaab 3:** Tuma qis'a, xhaati gyava, qis'a qis'a yaab bata koykiyb gaydu ishi baabnonka data ooxhu yeetə ishi kifiriqa maakə geytə.



Siviri Bazha Xuusi Vyaza Saati

- Há bata nognxnbab kardi bata sexukiyb bazhaqa ishi beer siviri bazhu kifiriqa sesə geytə.
- Siviri bazha maxsaafiq fyaadi 18 bata astab gonchi worqata quxsu qomchushtə ishi utab noogu bazhu sesə geytə.
- Kardis, worqatas, kiris, xyafsukabka ishi ishi kifiri asqa ishi tamarkiyb bata nyagə.



Kifiriqabaab Kaasu

- Yaabkn gatsn aas tənta ishi diramaka bazhu sesa yaab bata taka saknta ishi asta gatsnbaabara xuusə geytə.
- Kifiriqabaab kaasu maxsaafiq fyaadi 24 bata “askn aab umxukiyb umxas wos’karsa” geb kaasu ishi kaas umxa gaatsa xuusə geytə.



Shaara Saati

- Daduskn íti shaara barn ishi siis shaara yeshnta ishi xuusab noogu maakə geytə.
- Shaara maxsaafiq fyaadi 22 bata “karbmsab dadns” gekab shaara ishi sharə íti gen ishi sharu takqa ishira ishi kootnbaab kookns xuusə geytə.
- Shaara maxsaafiq fyaadi 25 bata “gaba qoykn booqa kiyb zerkns” gekab shaara ishi sharu gabakn boqabaab zerkn xuusə geytə.

Gaba 28

Gaba Haas Timirtnsqa Kotukiyb Vyaza

Dadus timirtns haas ishi tamarabkn adiqaa:-

- Umxa gaatsa ishi haaku maakamə. (5 feredi)
- Saaya ishi maakamə. (5 feredi)
- Gabakn booqa kiyb zerkns ishi haaku maakamə. (4 feredi)
- Taka ishi bata sakara qen yeshnta ishira ishi kootnbaab kookn ishi maakamə. (1feredi)
- Há qexnta yaab bata taka saskukiyb xhaarlu ishi bes'ku xuusamə. (2 feredi)
- Kubmbaab naaru kixnsara ishi xuusamə. (4 feredi)
- Ishi vyazab noogu ishi bazhu sesamə. (4 feredi)

Tamarsa kookns:

Daan nogn, saaya saya, maaka, bazhu sesa, ooxhaka bangarsaka, kaasu.

Aska tamarsa yirsis:

Há bata nognxnbab kardi, saaya, kaasuka shaaraka maxsaafi, yaabkn kumka absi kiyb seesukiyb siviri, fyaduxuxnbab noogus(shevi, qamxhu, inchu) ishikn kambiqa yaftukiyb iy siviris, ay yirsis, siviri worqata, s'uuta asta s'utuxukab, irsaasi, makini gooma, qamxhu.



Daan Nogn Saati

Há bata nognxnbaab kardi – Tubsutabaab etsn

Há bata nognxnbaab ooxhaas

1. Siviri bata íti sekiybqa ítikn kambiqä kiybka daan kyamukiyb noogu ítikn sexukiya?
2. Siviriqa íti seekiybkn qoysns yaab bata taka saskukiyb ítikn kambiqä kiyb noogus yirka yirka tə?
3. Bengikn booqä kiyb zerkns siviri bata íti seekiyb noogusqa qoysns noogu yirtə sexam íti ge arukiy? Amsu: iiru bengiqä haay teeramə, xsyaaxsu bengiqä inchukn haay z'aramə, yis gonchi ishi ge bangarsə geytə.



Saaya Saati

- Siviri ishi se saaya maakə geytə.
- Saaya maxsaafiqä fyaadi 27 bata “zerknka etsnka dyaskn” gekab saaya íti ishikn sayn ishi siis asqa keesab ooxha bangarsə geytə. Askn xhornta kiyb zeeru ishira zeeritə.
- Saaya maxsaafiqä fyaadi 14 bata kiyb “Hakimi zeeru” gekab saaya íti ishikn bangars sayn ishi siis asqa keesab ooxha bangarsə. Askn xhornta ishira zeeritə.



Kifirikn Butabaab Kaasu

- Kifirikn butabaab kaasu maxsaafiqä fyaadi 29 bata xhaaru yaafa gekab kaasu ishi kaas taka ishi bata sakara qen yeshnta ishira ishi kootnbaab kookn xuusə.
- “Ishi utab kaasu” dadus ishi utab kaasu beertə ishi ishi qoy ishi oynta dubdnka kiy kaas ishi xuusi angusə geytə.



Bazhu Sesa Saati

- **Bazhxnbaab 1:** Asta íti kiybta hakimi iy kiynta te xhaaru iyka há sivirika kooy ishikn seesutə yaab bata taka saskukiyb ishi xuusn yeshnta ishikn gatsnitə.

- **Bazhxnbaab 2:** Bazhu sesa maxsaafiqa fyaadi 49 bata kiyb gonchi dadus umxa zaara maakə geytə.
- **Bazhxnbaab 3:** kubmbaab bengiqa kiyb zerkns (amsu iiru bengi, tura bengi, kay bengi bengi, qarnsab bengi) ishi ge bes'kə geytə.
- **Bazhxnbaab 5:** Gaydu zerkn aska daworxukab sirki fyaadu, tirafiki mirkiti, yis gonchibaab noogus ishi kardi bata xsaafu nyagə íti gen ishi bazhu asta ishi ishira kootnbaab kookn xuusə.



Siviri Bazha Xuusi Vyaza Saati

- Gəchi há samta ishikn keri ishi qaramqa baru worqata bata siviri bazhu kifiriqa qay sesə geytə.
- Durduru, xsyaaxsu, iiru sesukiyb siviri ishi bazhu há bata qarama booxu hayqa nyagə geytə.



Kifiriqabaab Kaasu

- Kifiriqabaab kaasu maxsaafiqa fyaadi 25 bata “keta səngno ishi utukiykə” gekab kaasu ishi kaas gaba qoykn booqa kiyb zerkn xuusə geytə.
- Bengikn booqa kiyb zerknsqa woskiyb aas ges sheema ishi oofukiyn ta ishi footu bazhu sesə geytə. Amsu iiru bengiqa: - sheema vyatsab, zhanxara, xsaaaxsu bengiqa:- sheema nampxhnsab ishi oofmbaab.



Shaara Saati

- Shaara maxsaafiqa fyaadi 14 “vyanxsa gebka qoysnsab shaara” ishi sharu xsyaaxsu bengiqaka iiru bengiqa yirtə sakukiyn ta maakə geytə.

8^{ta}baab etsn timirti



Gaba 29

Gaba Haas Timirtnsqa Kotukiyb Vyaza

Dadus timirtns haas ishi tamarabkn adiqa:-

- Ishi géri zhaazha ishi kootamə. (5 feredi)
- Saaya ishi maakamə. (2 feredi)
- Yaabka daana ishi daan nogn vyazamə. (3 feredi)
- Etsn, gaba, zerkn ishi maakamə. (4 feredi)
- Edka qexu yaab bata taka sasku kiyb xhaaru ishi bes'ku xuusamə. (3 feredi)
- Bengikn booqa kiyb zerkn dyaskns ishi xuus maakamə. (4 feredi)
- Ishi vyazab noogus ishi bazhu sesamə. (4 feredi)

Tamarsa kookns:

Daan nogn, saaya saya, maaka, bazhu sesa, ooxhaka bangarsaka, kaasu.

Aska tamarsa yirsis:

Há bata nognxnbaab kardi, saaya, kaasuka shaaraka maxsaafi, yaabkn kumka absi kiyb seesukiyb siviri, fyaduxuxnbaab noogus(shevi, qamxhu, inchu) ishikn kambiqa yaftukiyb iy siviris, ay yirsis, siviri worqata, s'uuta asta s'utuxukab, irsaasi, makini gooma, qamxhu.



Daan Nogn Saati

Há bata nognxnbaab kardi – Zeedtabaab etsn

Há bata nognxnbaab ooxha

1. Siviri bata ítikn sexukiyb yirtə?
2. Siviri bata ishi zhaazha kootukiyb ítikn sexukishi? Íti aas aas íti bazhu íti zhaazha kootukiy?
3. Siviri bata etsnka gabaka sesukiyb noogus kiyshi?
4. Siviri bata kubmbaab bengikn booqa kiyb zerkn dyaskns sesukiyb noogus kiyshi?
5. Siviri bata zerkn zerknqa bazhxu kiyb bazha ítikn sexukiyshi?



Saaya Saati

- Dadus ishi gəri saaya fikustə ishi kifiriqa qay sayə geytə.
- Yaab bata taka sasku kiyb maakukiyb saaya íti fikus ishikn sayn ishi siis asqa kesab ooxha bangarsə geytə. Askn xhornta astab zeeru ishira zeeritə.
- Saaya maxsaafiqa fyaadi 28 bata “Qoy kooknta woogara kiyb shorns” gekab shaara íti ishikn sharn ishi asqa keesab ooxha bangarsə geytə.



Kifirikn Butabaab Kaasu

- Kifirikn butabaab kaasu maxsaafiq a fyaadi 30 bata “zhaazha koota atusnkiyb” gekab shaara íti ishikn sharn ishi siis ishi zhaazha kootə.
- “Ishi utab kaasu” dadus ishi utab kaasu beertə ishi qoy ishi oynta dubdnka kiy kaas ishi xuusi angusə geytə.



Bazhu Sesa Saati

- Bazhxnbaab 1: Bazhu sesa maxsaafiq a fyaadi 50 bata kiyb gonchi dadus una hay ishi bazhab noogus dubdustə ishi ishi yartiska daana dyaskntə ishi səgə geytə.
- Bazhxnbaab 2: Bazhu sesa maxsaafiq a fyaadi 51 bata kiyb gonchi bengikn booqa kiyb zerkn há bata fyaduxukab íti ishikn sesn ishi zerknka etsnka sesə geytə.
- Bazhxnbaab 4: Kubmbaab bengikn booqa kiyb zerkn dyaskns ishi baab nonka data ooxhu yeetə ishi kifiriqa maakə geytə.



Siviri Bazha Xuusi Vyaza Saati

- Iiru bengika xsyaaxsu bengi sesukiyb siviri ishi kardi bata se bazhu kifiriqa nyagə geytə.
- Há bata nognxukab kardi bata kiyb siviri ishi se dadus ishikn kambiqə kiyb siviri bazhu sesə geytə.
- Ishi utab noogu ishi beer siviri bazhu kifiriqa sesə geytə.



Kifiriqabaab Kaasu

- Zerkns woskiyn woskiyn ishira dyaskn kiynta siviri bata ishi bazhu kaas sesə geytə.
- “Vyachushn kaasu” adiqə dadus ishikn kuc’u ishi barxhushnbaab ishi xuusə geytə.
- Yaab bata taka saskukiyb noogus maakukiyb hapm íti ishikn ooxhn ishi kaas takaqa ishira kootə.

Shaara Saati

- Shaara maxsaafiqa fyaadi 15 bata “ń zhaazha ń kootə” gekab shaara ishi bangars sharu ishi gəri zhaazha kootə geytə.
- Shaara maxsaafiqa fyaadi 26 bata “xsooxsakə iiruqa xsooxsakə xsyaaxsuqa” gekab shaara ishi sharu bengikn booqa kiyb zerkn dyaskns xuusə geytə.

Gaba 30

Gaba Haas Timirtnsqa Kotukiyb Vyaza

Dadus timirtns haas ishi tamarabkn adiqə:-

- Ishi zhaahaka ishi hayknka ishi kootamə. (5 feredi)
- Noogu ishi daan nognamə. (3 feredi)
- Saaya haybaab ishi fikus sayamə. (2 feredi)
- Zerknqa bazhxukiyb bazha ishi haaku maakamə. (4 feredi)
- Há qexnta yaab bata taka sasku kiyb xhaarus ishi xuusamə. (3 fredi)
- Kubmbaab zerkn dyasknsara ishi xuus maakamə. (1 feredi)
- Naaru kixn dyaskn gaatsa ishi maakamə. (3 feredi)
- Noogu aabuska há qenta fyaadiska ishi ekiskn faadara siviri bazhu sesamə. (4 feredi)

Tamarsa kookns:

Daan nogn, saaya saya, maaka, bazhu sesa, ooxhaka bangarsaka, kaasu.

Aska tamarsa yirsis:

Há bata nognxnbab kardi, saaya, kaasuka shaaraka maxsaafi, yaabkn kumka absi kiyb seesukiyb siviri, fyaduxuxnbab noogus(shevi, qamxhu, inchu) ishikn kambiqa yaftukiyb iy siviris, ay yirsis, siviri worqata, s'uuta asta s'utuxukab, irsaasi, makini gooma, qamxhu.



Daan Nogn Saati

Há bata nognxnbaab kardi – Zeedtabaab etsn

Há bata nognxnbaab ooxhaas

1. Siviri bata daan nogn kiyb yaab ítikn sexukishi?
2. Siviri bata íti seekiybkn qoysns siviri íti bazhə gexnta yira siviri íti bazha?
3. Siviri bata íti seekiyb saati aas ishi zerknara sesukiy? Amsu: gyanu qis'a saati, sooqu saati, yis gonchi ishi ge maakə geytə.
4. Sivir bata íti seekiyb etsns geb te? Ishi sumka haaku maakitə.



Saaya Saati

- Saaya maxsaafiqqa fyaadi 13 bata há qexnta yaab bata taka sasku kiyb tamrskiyb saaya íti ishikn bangars sayn ishi asqa keesab ooxha bangarsə geytə. Askn xhornta astab zeeru ishira zeeritə.
- Dadus keta qoy qoy qay ishi xuuskiyb saaya kifiriqa sayə geytə.
- Saaya maxsaafiqqa fyaadi 29 bata “kuchn suybm koytnbey” gekab saaya íti ishikn sayn ishi asqa keesab ooxha bangarsə geytə.



Kifirikn Butabaab Kaasu

- Kifirikn butabaab kaasu maxsaafiqqa fyaadi 30 bata “atusnkiyb zhaazha koota” gekab kaasu ishi kaas kuc'u barxhush zhaazha koota xuusə.
- “Ishi utab kaasu” dadus ishi utab kaasu beertə ishi qoy ishi oynta dubdnka kiy kaas ishi xuusi angusə geytə.



Bazhu Sesa Saati

- **Bazhxnbaab 1:** Bazhu sesa maxsaafiqa fyaadi 52 bata kiyb gonchi umxa umxukabta kotnbaab noogus; amsu: umxa ñ umkabkn gatsu nkuc'u barxhushtnbaab, asqa umxa umxukab yirsi barxhushtnbaab, yis gonchibaab noogus ishi xuusə geytə.
- **Bazhxnbaab 2:** Kubmbaab zerkn dyaskns sesukiyb siviri kardi bata fikustə ishikn saantaka shooshtaka ishi fikus maakə geytə.
- **Bazhxnbaab 3:** koos' haaykiyb yaabus zerkns kubmbaab yirka yirka ishi koos' kiynta ishi baab nonkakn ishi ooxhu ye maakə geytə. (Amsu:- iiru bengiqa kuy koos'a)



Siviri Bazha Xuusi Vyaza Saati

- Saati siviri bata qarama booxutə saati yira footnota ishi maakə geytə.
- Siviri bazha maxsaafiqa fyaadi 19 bata fyaadiska ishi siviri bazhu sesə geytə.



Kifiriqabaab Kaasu

- Kifiriqabaab kaasu maxsaafiqa fyaadi 26 bata kiyb gonchi ishi xuuskiyb saaya beertə ishi saaynsqa kiyb yaabus gonchi footu bazhu sesə geytə.
- Zerkns bata bazhxnbab kashkn kiyb noogu ishi haaku maakə geytə.



Shaara Saati

- Shaara maxsaafiqa fyaadi 26 bata kiyb gonchi "xsyaaxsuqa xsooxsákə" gekab shaara ishi bangars sharu naaru kixnara xuusə geytə.
- Shaara maxsaafiqa fyaadi 7 bata "kuc'u barxusha ye təkəkə" gekab shaara ishi sharu ishi zhaazha kootə geytə.

Gaba 31

Gaba Haas Timirtnsqa Kotukiyb Vyaza

Dadus timirtns haas ishi tamarabkn adiqqa:-

- Ishi gəri zhaazha koota ishi vyazamə. (2 feredi)
- Baay baabuka faad anguxa ishi maakamə. (3 feredi)
- Una hay ishi xuuskiyb saaya ishi bangars fikusamə. (3 feredi)
- Ishi vyazab gonchi qoy qoy noogu bata ishi xsaafu nababə geytə. (2 feredi)
- Zerknqa bazhxukiyb bazhaas ishi haaku maakamə. (4 feredi)
- Basusara kiyb xhaarus ishi bes'ku xuusamə. (3 feredi)
- Naaru gaatsa yira tənta ishi maakamə. (3 feredi)
- Naaru kixn dyaskn saskukiyb taka ishi xuus maakamə. (1 feredi)
- Fyaadiska noogu aabuska ishi ekis siviri bazhu sesamə. (2 feredi)
- Ay, dirama ishi bazhu sesamə. (2 feredi)

Tamarsa kookns:

Daan nogn, saaya saya, maaka, bazhu sesa, ooxhaka bangarsaka, kaasu.

Aska tamarsa yirsis:

Há bata nognxnbab kardi, saaya, kaasuka shaaraka maxsaafi, yaabkn kumka absi kiyb seesukiyb siviri, fyaduxuxnbab noogus(shevi, qamxhu, inchu) ishikn kambiqä yaftukiyb iy siviris, ay yirsis, siviri worqata, s'uuta asta s'utuxukab, irsaasi, makini gooma, qamxhu.



Daan Nogn Saati

Há bata nognxnbab kardi – Zeedtabaab etsn

Há bata nognxnbab ooxhaas

1. Siviri bata íti seekiyb yaabuska ekis nuuxus baayna baabu ishi footnota íti xuus maaka? Baay footab naas tənta baabu naastə?
2. Sivirqa gebm dadu kotnsabka gebm yaab ignsab ishi kiy? Aas íti bazhu xuus?
3. Siviri bata sadnta, z'aakn, gyaamu bazhxukiyb bazha íti bes'ku xuusa? Yirka yirka te?
4. Siviri bata íti seekiybqa naaru kixn asra dyasknta yirtə sakam íti ge arukiy? Amsu iiru kaaynta



Saaya Saati

- Dadus dinga aas'tə ishi gəri ishi xuuskiyb saaya ishi maakə geytə.
- Saaya maxsaafiqa fyaadi 22 bata bengiska zerknika gekab saaya íti ishikn maakn ishi asqa keesab ooxha bangarsə. Askn xhornta astab zeeru ishira zeeritə.



Kifirikn Butabaab Kaasu

- Ekis s'uunka há qoy qoyka kiyb yaab s'uun gonchi ishi footu bazhu sesə geytə.
- “Ishi uatab kaasu” dadus ishi utab kaasu beertə ishi qoy ishi oynta dubdnka kiy kaas ishi xuusi angusə geytə.



Bazhu Sesa Saati

- **Bazhxnbab 1:** unababka kacha wota ishi bazhxnbab bazha íti ishikn ooxhn ishi bangars maakə geytə. Amsu: gona yira ishi bazhu feeshnta, yegnbaab bengika yira ishi bazhanta ishi maakə geytə.
- **Bazhxnbab 2:** Naaru kixn asara dyasknkabta saku kiyb noogus (xsyaaxsu, toga, tooru, kuuzh,) íti kardi bata bazhu sesn ishi sivirika daana kyamsə geytə.

- **Bazhxnbaab 3:** Naaru kixn dyaskn atsukiyb gaatsa ishi baabnonka ooxhu yeetə ishi kifiriqa maakə geytə. Amsu: iiru qyarnta umxa há gaaramə.
- **Bazhxnbaab 4:** Nyangnsab dadus timirti istukabta bazhxukiyb dirama ishi bazhu sesə geytə.



Siviri Bazha Xuusi Vyaza Saati

- Siviri bazha maxsaafiqqa fyaadi 20 bata “uutnka yi daduska” gekab bazha ishi bazhu siviri bazha xuusi angusə geytə.
- Siviri bazha maxsaafiqqa fyaadi 21 bata “inchn asta anguxab” gekab bazha ishi bazhu siviri bazha xuusə geytə.
- Siviri bazha maxsaafiqqa fyaadi 19 bata fyaadiska ishi siviri bazhu sesə geytə. amsu: fyaadi 8 ka eki siviri, fyaadi 3 ka haay siviri, fyaadi 1 ka sinxu siviri



Kifiriqabaab Kaasu

- Basusara kiyb xhaaru qexnta há saskukiyb taka bata ishi dirama bazhu sesə. Amsu: taka zerkn daworxukab sirkı, taka/gaydu zerkn saknbaab yaab antə ishi bazhu sesə.
- Kifiriqabaab kaasu maxsaafiqqa fyaadi 26 bata kiyb gonchi ishi xuuskiyb saaya ishi beer saaynsqa kiyb yaab gonchi footu bazhu sesə geytə.
- Noogu aabus ishi kyamsu nooguka nooguka noogu gyaadu bazhu sesə geytə.



Shaara Saati

- Bavara zerkn sharxukiyb shaara ishi sharu bavara yir footnote xuusə geytə.
- Shaara maxsaafiqqa fyaadi 15 bata ñ zhaazha ñ kootə gekab shaara ishi bangars sharu ishi gəri zhaazha kootə geytə.
- Shaara maxsaafiqqa fyaadi 27 bata “dacha íti kazhukə” gekab nyangnsab dadus timirti istukabta sharxukiyb shaara ishi bangars sharu xuusə geytə.

Gaba 32

Gaba Haas Timirtnsqa Kotukiyb Vyaza

Dadus timirtns haas ishi tamarabkn adiqa:-

- Baabu baay faad anguxi ishi maakamə. (5 feredi)
- Ishi vyazab nogu ishi gəri xsAAFUTƏ ishi nababamə. (5 feredi)
- Zerknqa bazhxukiyb bazha ishi xuus maakamə. (4 feredi)
- Xhaaru basusara kiyb ishi xuus maakamə. (3 feredi)
- Naaru kixn dyaskn kooy kiyb gaydu ishi maakamə. (4 feredi)
- Diramaka ishi qoysns yaab footu bazhu sesamə. (4 feredi)

Tamarsa kookns:

Daan nogn, saaya saya, maaka, bazhu sesa, ooxhaka bangarsaka, kaasu.

Aska tamarsa yirsis:

Há bata nognxnbab kardi, saaya, kaasuka shaaraka maxsaafi, yaabkn kumka absi kiyb seesukiyb siviri, fyaduxnbaab noogus(shevi, qamxhu, inchu) ishikn kambiqä yaftukiyb iy siviris, ay yirsis, siviri worqata, s'uuta asta s'utuxukab, irsaasi, makini gooma, qamxhu.



Daan Nogn Saati

Há bata nognxnbab kardi – Zeedtabaab etsn

Há bata nognxnbab ooxhaas

1. Siviri bata sexukiyb baay dadus aas akarns sheema ishi oofukiy? Baabuso?
2. Siviri bata xsyaaxsuqaka iiruqa bazhxukiyb bazha ítikn sexukiya? Yirkä yirkä tə?
3. Siviri bata íti seekiyb naaru kixn asara dyasknta yirtə saka? Amsu iiru kaaynta yirtə saka?



Saaya Saati

- Dadus dinga woogutə ishi gəri saara ishi qay maakə geytə.



Kifirikn Butabaab Kaasu

- Kifirikn butabaab kaasu maxsaafiqqa fyaadi 31 bata “bavara zerknqa bazhxukiyb bazha” ishi bazhukiyb gonchi footu bazhutə ishi sesu wota ishi bazhnbaab bazhara xuusə geytə.
- “Ishi utab kaasu” dadus ishi utab kaasu beertə ishi qoy ishi oynta dubdnka kiy kaas ishi xuusi angusə geytə.



Bazhu Sesa Saati

- **Bazhxnbaab 1:** Faykn xuusi baabus es’ku kooytə dadus xhaarura asta qeexnbaabka xhaaruu gaatsa ishikn maakitə.
- **Bazhxnbaab 2:** Dadus asta ishi nyastab bengi, etsn, zerkn ishi baabnonka ooxhu yeetə ishi kifiriqa maakə geytə.
- **Bazhxnbaab 3:** Naaru kixn dyaskn sasku kiyb gaydus (toga, faad, kuuzh,) yis gonchibaab kardi bata bazhutə íti ishikn atsn ishi kyamsu kaasə geytə.
- **Bazhxnbaab 4:** Nyangnsab dadus timirti istukabta bazhxukab dirama ishi bazhu sesə geytə.



Siviri Bazha Xuusi Vyaza Saati

- Siviri bazha maxsaafiqqa fyaadi 20 bata “uutnka yi daduska” gekab bazha ishi bazhu ishi xuusi angusə.
- Bastara kiyb xhaaruu qexukabta yaab bata saskuiyb takara ishi diramaka bazhu sesə geytə. Amsu: gaydu zerkn sirki, gaydu zerkn saknbaab yaab ishi diramaka bazhu sesə.



Kifiriqabaab Kaasu

- Kifiriqabaab kaasu maxsaafiqa fyaadi 26 bata kiyb saaya beertə ishi yaabus gonchi footu bazhu sesə.
- “Noogu aabus kyamsu” gekab kaasu ishi dadus kaas nooguka noogu gyaadu bazhu kaasə geytə.



Shaara Saati

- Shaara maxsaafiqa fyaadi 27 bata “Dacha íti kazhukə” gekab shaara ishi bangars sharu xuusə geytə.
- Shaara maxsaafiqa fyaadi 23 bata “qarnsab bengi shaara” gexukab qarnsab bengi ay ishi dubdnka kiy ayə geytə.
- Shaara maxsaafiqa fyaadi 28 bata “degn kuybmey” gekab shaara ishi sharu sesə geytə.

Qoysnsab Xuusis Asqa Yaftukab Maxsaafis (ወጪ መጽሕፍት)

- ከምበርና ማኑስተር (2006 ዓ.ም):: የኢ-ከፍል ከምበርና ጥርጉራም መሆኑ ከምበርና:: አዲስ አበባ
- ከምበርና ማኑስተር (2006 ዓ.ም):: የተፈጻሚ የነውምበርና በት አገልግሎት የመሞበር መምረጥ:: አዲስ አበባ
- ከምበርና ማኑስተር (2005 ዓ.ም):: የሀብና ስህንና ከምበርና ጥርጉራም የአመታች መምረጥ:: አዲስ አበባ
- ፈይት ቅ ጥሰድ (2000 ዓ.ም):: የቅድመ-ሙዲበኩ ማዋታ የመረጃና ማንዋድ:: አዲስ አበባ
- ሰሽ ከ ቁልጋደን (2007 ዓ.ም):: የቅድመ-ንብያ እና የቅድመ-ሻሳኔ ስለት ከምበርና ማዋታ ተፈዘኝ:: አዲስ አበባ

Qarntsab Noogus

- Loto
 - ▶ Dadus fyaadisara sənxərzhqa kiybka kyamsu kaaskab kaasu
- Stayləs
 - ▶ Ishikn aab yaafara kiyb dadus aska xsAAFukab yirsis.
- Birel
 - ▶ Ishikn aab yaafara kiyb dadus hā bata xsAAFukab worqata.
- Tangram
 - ▶ Dadus puxha nooguka bazhxab sivirisara aska kyamsu kaaskab noogu.
- Fyaadi domino
 - ▶ Fyaadiska puxhabaab noogus ishi xuusn yeshtə gatsnkab yirsi təkə.
- Maara
 - ▶ Inchuka yis gonchibaab nooguka bazhxab dadus suku bata fuutu kaaskab noogu
- Fəzil
 - ▶ kash kis dadus kyamsu kaaskab kaasu
- Flastin
 - ▶ Toga dadus aska kaaskab fabrikaqa bazhxab

Aska atuskiyb 1: Nyangnsab Timirtiskn Basuskiyb ask tamarsa yirsis

Vyärdū

Aska tamarsa yirsis timirtinsara zhazhnshka daduskn saskukab. Astamaari maxsaafms bata kiyb gabasqa keta aska há tamarstukab yirsis anxukiishkə. Aska tamarstukab yirsis yis ishi astamaariskn sesa gonchi anxab ishi footab yeshnta astamaaris ishi fikusab timirti gonchika ishikn kambiq kaari baab gonchi ishi kekns aska tamarsnbaab ishi vyazamə.

Aska tamarsa yirsis haas ishi dadus nyagnsab astamaari maxsaafiqa kiyb gonchi ishi footukubta timirti iys ishi vyazab gonchi fikustə há sammta ishi bazhnbaab vyazara ishi kiybara fuurtə ishi aska tamrsnbaab ishi vyazamə. Haaskn qaanqa fikusatb sənxərəzhi bata fikusatb noogus ishi bazhu aska tamrsnbaab ishi vyazamə.

Fyaadi	Aska tamarstukab yirsis sum	Aska há fyaaduxukab	Gebm
1.	S'uutu	Fyaadika	1
2.	Kiiru	Fyaadika	1
3.	Naagaka bazhxab aska ishi byadus kaaskab	Fyaadika	1
4.	Há bata ishi woogu bangar kaasnbaab	Fyaadika	1
5.	Askn booqa ishi fuuru kaasnbaab	Fyaadika	1
6.	Há bata kestukab	Fyaadika	1
7.	Ishi qoy qoy kiyb gooma	Fyaadika	5
8.	Qaxhaab saxini	Fyaadika	2
9.	8 há bata nognxukab kardis	Fyaadika	$8*6=48$
10.	2 maxsaafi (Astamaari maxsaafika 6 maxsaafiska)	Fyaadika	$2*2=4$
11.	Yaabkn faadara sesukiyb siviri	Fyaadika	3
12.	1-20 kiyb fyaadi há bata kiyb	Fyaadika	5
13.	Fyaadi há bata kaastukab	Dubmka	5
14.	Ishi qoy qoy kiyb fyaaduxukab (korki, qaxha aab)	Dubmka	10
15.	koosis	Fyaadika	15
16.	Ishikn siistabara maakukab sesukiyb siviris	Fyaadika	4

17.	Ishi qoy qoy kiyb nyaguxukab siviriska (inchu aabuska)	Fyaadika	10
18.	Ishikn kambiqä kaari yaftukiyb gaatsa atsukab iys siviris	Fyaadika	2
19.	Fyaadi há bata kaastukab	Dubmka	10
20.	Qustab noogu aabus	Dubmka	10
21.	Qustab fyaadis	Dubmka	10
22.	Ishi qoy qoy kiy shadukiybka shiquiyb naagas	Dubmka	10
23.	Iy qoyqa kiyb yaab siviri	Fyaadika	4
24.	Ishikn faad bata gaydu kiyb dadus zerknqa zerknqa ishi bazhara bazhn yeshnta gatsnbaab sesukiyb siviri	Fyaadika	3
25.	Iyqabaab ekis siviri	Fyaadika	3
26.	Karqabaab nuuxus siviri	Fyaadika	3
27.	Qoy iyqa kiyb yaabus bazha bazhukiys səsukas siviri	Fyaadika	4
28.	Burtukanas	Fyaadika	10
29.	Nomis	Fyaadika	10
30.	Santimska biriska	Dubmka	5
31.	Aska gobxukab suku/gyadu/	Fyaadika	10
32.	Məgəxsa	Fyaadika	10
33.	Ketabaab qarama ankiyb irsaasi	Xsyaxsaka	12
34.	Haay qarama	Xsyaxsaka	12
35.	Aska há booxukab kotnsab burishi	Dubmka	24
36.	Ishi qoy qoy kiyb ay yirsis (tyarbu, toori, gyasu, biyaqn)	Dubmka	1
37.	S'uun aska irxnbaab tefi	Fyaadika	1
38.	Shaara asqa irxab kaseti	Fyaadika	10
39.	Shaara aska sharxukab /tefi/	Fyaadika	1
40.	Siviri aska bazhxukab	Fyaadika	10

41.	Ishi qoy qoy kiyb jyometiri yirsis	Dubmka	5
42.	Ishi qoy qoy bes'kn kiys kiyxn ankiyb yirsis	Dubmka	3
43.	Ishi qoy qoy kasha kiyb asqa dubdustukab	Dubmka	5
44.	Noogu aab kasha kiyb asqa dubdustukab	Dubmka	5
45.	Ishi qoy qoy kiyb zerknsara sesukab	Fyaadika	5
46.	Toga bukustab /nastiki	Fyaadika	5
47.	Ishi qoy qoy kiys qarama ankiys worqata	Xsyaaxsaka	10
48.	Noogu aab há bata kiyb	Fyaadika	5
49.	Qoyzhnshabka bazhxab noogu aab há bata kiyb	Dubmka	1
50.	Qustusakab noogu aabus	Dubmka	1
51.	Kiri	Metirika	100
52.	Bonbukiyb sani	Fyaadika	5
53.	Dadus aska nyagukab	Kiru	5
54.	Qustukiyb sheemas	Metirika	10
55.	Ishi qoy qoy kiys kiyxn ankiyb qorqoro ka nastiki kubaya	Dubmka	10
56.	Hamc'u	Kiru	4
57.	Umxa zaaras	Kiru	4
58.	Worqata qozhnshab	Xsyaaxsaka	2
59.	Kartoni	Fyaadika	10
60.	Haay aatukab nastiki	Fyaadika	5
61.	Wooxsu kesukab	Fyaadika	2
62.	Diirkab	Fyaadika	50
63.	Noogu aabus asqa anxukiy sestukab	Fyaadika	4
64.	Nababxnbaab noogus	Fyaadika	20
65.	Biy	Dubmka	1
66.	Nastiki xarmusi	Fyaadika	20
67.	Ax'u aska diirxukab	Fyaadika	5
68.	Tirafiki uka	Fyaadika	5

69.	Ishi qoy qoy kiyb gaydu səsukab siviri sesukab.	Fyaadika	5
70.	Zambiri	Fyaadika	5
71.	Gyaadu /suku/	Fyaadika	1
72.	Beetnta baab masmara	Fyaadika	10
73.	Aska há diirxukab /orshi/	Fyaadika	5
74.	Korənti gyadu/shibu/	Metirika	5
75.	Kibriti iy	Fyaadika	10
76.	Ishi qoy qoy kiyb umxa sesukiyb siviri	Fyaadika	3
77.	Zerknqa zerknqa bazhxukiyb bazhara sesukiyb siviri	Fyaadika	3
78.	Zerkn aska fyaduxukiyb	Fyaadika	5
79.	Orata as'tukab shigini	Fyaadika	5
80.	Asqa há as'tukab yirsis	Fyaadika	5
81.	Gatsu astukab gatsa yirsika há saxinika	Fyaadika	5
82.	Xhaaru səsukiys siviri	Fyaadika	4
83.	Kubmbaab bengikn booqa kiyb zerknsara sesukiyb siviri	Fyaadika	4
84.	Ishi qoy qoy kiyb zhazha koota sesukiyb siviri	Fyaadika	4
85.	Samuna	Fyaadika	20
86.	Haay tiyara/məti/	Fyaadika	5
87.	Atusnkiyb siviris	Fyaadika	5
88.	Saati siviri	Fyaadika	5
89.	Naaru dyaskn sesukiyb siviri	Fyaadika	4
90.	Bardi	Fyaadika	5

Nyangnsab Timirti

Astamaari Maxsaafi

ISBN: 978-99944-2-867-0



Itopya Fedralawi Demokirasiyawi Rifublik
Timirti Ministri



Dəbub Zaara Zaaraska S'odas Kiriri
Timirti Biro

Qofa: 90.00